



# मानसरहस्य ।

जिसे

गणेशनिवासी सरदार कवि ने श्रीमन्महा-  
राजाधिराज खर्गवासी महाराज ईश्वरी-  
प्रसादनारायणसिंह बहादुर G. C. S. I.

की आज्ञा से श्रीगोसाईं तुलसीदास  
जी महाराज की कविता के प्रसियों

के लिये रचा

श्रीर जिसे

श्रीयुत राधासमग्रहपापात्र गोखामी

हम्यति किशोरजी की कृपा से पाकर

रामकृष्णवर्मा ने

काशी

रतजीवन यन्त्रालय में प्रकाश किया ।

सन् १८८५ ई० ।



## श्रीकृष्णाय नमः । मानसरहस्य

एक दिवस श्रीमहाराजमणिमुकुट काशी-  
प्रारिस की सभा में अनेक कवि कोविद के सा-  
क्षुंहे यह चर्चा होत रही कि देखो वेद ने तीन  
को निरूपन कीनो । कर्म, ज्ञान, भक्ति । तासे  
कोई कही ज्ञानसाधन भक्तिनिमित्त है । अरु  
काह कही कौ नाहीं भक्तिसाधन ज्ञाननिमित्त  
है । तब कोई उत्तरकाण्ड श्रीगोसाँईजी को  
कियो ताकी एक चौपाई पढ़ उठे कि—  
“ज्ञानहि भक्तिहि नहि कछु भेदा । उभय हरै  
भव सन्भव खेदा ॥” सो सुनि श्रीरामकृपापात्र  
सहीपालपालन सङ्कुलसालन दारिद्रघालन  
महाराज ने आज्ञा दर्ई कि यह जो रामचरित-  
मानस गुसाँईजी ने कीनो श्रुति सङ्गत सहित  
सब ते अविरोधी रामभक्ति दृढ़ करन हेतु है

काहे याको सङ्गल वस्तु निर्देस है । “नानापुरा-  
 णनिगमागमसम्मतं यद्रासायणे निगदितं क्वचि-  
 दन्यतोऽपि ।” तो अन्य ते संहिता काव्यभाव  
 ताको न जान के जे रासायन में प्रवेश करत हैं  
 ते बड़े पण्डित हैं । याते एक तिलक याको ऐसो  
 वनै कि जासे श्रुतिसम्मत बनो रहै । अरु कवि  
 सम्प्रदाय से विरोध न होय अरु छेपक भी जानो  
 जाय औ जो पद कठोर हैं तिनको व्याख्या  
 भी होय अरु मानस वरेव कवित गुन जाती ।  
 सो ता निमित्त सर्व अङ्ग काव्य के भी हीं हैं ।  
 जैसे बाल में—“नयन असी दृग विभञ्जन ।  
 नाम रूप दृङ् ईस उपाधी ॥ धिग धर्मध्वज धं-  
 धक धोरी । गौतमतियगति सुरति करी ॥”  
 इत्यादि—सातकाण्ड के तिनकी व्याख्या । औ  
 जो बड़े महाराज रामचरितमानसरसिक ने बड़े  
 तलास<sup>21</sup> ते बहुत पण्डित कविन के सम्मत ते  
 पोथी शुद्ध करारु ताको पाठ रहै । औ गोसांई  
 के ग्रन्थवाने उदाहरन । जाते सब कोरु काव्य

जान रामायन को अर्थ जानें अरु सब को स्वार्थ  
होय ऐसो तिलक बनि जाय ताते काव्य रीत  
लिखियतु है ।

अथ काव्यलक्षण रस रहस्य - दोहा ।

जग ते अद्भुत सुखसदन सब्द क अर्थ कवित्त ।

जग ते अद्भुत सुख लोकोक्ति चमत्कार ॥

दोहा ।

सरल कवित की रतिविमल सी आदरहिँ सुजाना

सहज वैर विसराय रिपु जो सुनि करहि बखाना ॥

काव्य प्रयोजन ।

जस सम्पति आनन्द अति दुरित न डारै खोड्ड ।

होड्ड कवित्त ते चातुरी जंगत रास बस होड्ड ॥

जस ।

मुनिन्ह प्रथम हरि कीरति गार्ड ।

विमल जसहि अनुहरह सु वानी ॥

यहांलों - सम्पति ।

चाहि चाहि आरतहरन सरन सुखद रघुबीर ।

आनन्द ।

भयो हृदय आनन्द उच्छाह ।

रुज नाम ।

निजगिरापावनकरणकारनरामजसतुलसीकह्यो ।  
चातुरी ।

रीभेउ तोरि देखि चतुराई ।

वसीकरण ।

विनय प्रेमवस भई भवानी ।

इत्यादि जानि लीजै—

अथ काव्य ।

चित्त को कारन—शक्ति, व्युत्पत्ति, अभ्यास ।

लक्षण ।

शक्ति जो है विमल प्राचीन संस्कार जन्य  
होति है व्युत्पत्ति काव्य जानने ते । अभ्यास जो  
काव्य जाननहार को सिच्छा वा करने ते होय ।

शक्ति यथा ।

जापर कृपा करहि जन जानी ।

कवि उर अजिर नचावहि बानी ॥

व्युत्पत्ति

धुनि अवरिख कवित गुन जाती ।

अभ्यास ।

भनित सोर सब गुनरहित ।

सो तीन रीत की—उत्तम, मध्यम, अधम ।

लक्षण ।

जीर सरस पुन देह सम देहै बल जेहि ठौर ।

उत्तम में विद्ग अधिक, मध्यम में विद्ग वाच्य  
वरावर, अधम में वाच्यार्थ मात्र ।

उत्तम यथा ।

सहसनाम सुनि भनित सुनि तुलसी वल्लभ नाम ।

सकुचितहियहँसिनिरखिसियधरमधुरम्बरराम ॥

यहां जानकी तुलसी के वल्लभ सुनि हँसी  
राम संकीच ते उपपति विद्ग ।

मध्यम ।

जाना मरम नहात प्रयागा ।

प्रयाग नहात सङ्कल्प ते जानी ॥

भरत नाम ते प्रेम अधिकार्द्ध ।

सो वाच्य की वरावर है ।

अधम ।

जामे विद्ग नाही सो हे रीत की—शब्दचित्र,  
अर्थचित्र ।

शब्दचित्र यथा ।

अंभोज अंबक अंब उमग सुअंग पुलकावलि कर्दू ।



यहां अनुपास को चमत्कार है ।

अर्थचित्र यथा ।

नमामि भक्तवत्सलं—

यामि अर्थ चमत्कृत है ।

शब्दार्थ निर्णय ।

जो सुनिये सो शब्द है अर्थ जु समुझै चित्त ।

सो शब्द दो रीत को—धुन्यात्मक, वर्णात्मक । धुन्यात्मक जो बाजा ते निकसे, वर्णात्मक तीन रीत को ।

दोहा ।

वाचक लक्षक विद्ग को शब्द तीन विधि सोय ।

वाच्य लक्ष अरु विद्ग पुनि अर्थ तीन विधि होय॥

वाचक लक्षण ।

वाचक जो ससहाय बिनु आप अर्थ कहि देय ।

वाच्य अर्थ पद सुनतहो जाहि चित्त गहि लिय॥

यथा ।

जल संकोच विकल भद्र मीनां ।

जल सुनत पानी को ज्ञान भयो याही सो वाच्यार्थ कहत है । जासो लखिये यह अर्थ

अभिधा सो व्यवहार । याही सों शक्ति कहत है ।

दोहा ।

या पद ते एहू अरथ जानो ऐसो रूप ।

जा इच्छा भगवान की सो है शक्ति अनूप ॥

यह अविधा को तत्व लक्षण कह्यौ, अरु वा-  
चक के चार भेद ॥

काव्यनिर्णय दोहा ।

जाति जटच्छा गुन क्रिया नाम सु चार प्रकार ।

जाति यथा ।

देवदनुज भूपति भट नाना ।

देव मे देवत्वजाति, दनुज में दनुजत्वजाति ।

जटक्षा यथा ।

भद्रया कहहु कुशल दीउ बारे ।

गुन यथा ।

स्यामल गौर धरे धनु भाथा ।

कथा यथा ।

भये बहुरि सिसु रूप खरारी ।

लक्षक ।

मुख्य अर्थ को बाध जहँ शब्द लाक्षणिक होय ।

यथा ।

अहो मुनीस महाभट मानी ।

लक्ष्णालक्ष्ण ।

मुख्य अर्थ के बाध तें पुनि ताही के पास ।

और अर्थ जाते बनै कहैं लक्ष्णा तास ॥

लक्ष्णावीज, तातपर्यानुपपत्ती, अन्वयनुप-  
पत्ती, तथापि तातपर्ज न मिलै यह मानत, सो  
देा रीत को । एक निरूढी एक प्रयोजनवती,  
जामें ध्वनि नाहीं सो निरूढी, अस्र जामें ध्वनि  
हाय सो प्रयोजनवती ।

निरूढी यथा ।

बूभाव राउर सादर साईं ।

कुशल हेतु सो भयो गुसाईं ॥

इहाँ कुशलवारे को कुशल कहो चाही सो  
आनन्द अर्थ कीनो ।

प्रयोजनवती ।

“लिये चोर चित राम बटोही” तो चित  
धन नाहीं जाको चोरी होहि याते मुख्यार्थ बाध  
करि आपन आसक्तता सूचित करी प्रयोजन यह

अति सुन्दर है । और प्रयोजनवती के द्वे भेद ।  
 प्रथम उपादान ताको लक्षण काव्यनिर्णय—  
 “उपादान सो लक्षणा परगुन लीहे होइ” यथा  
 “तव चले वान कराल” तो वान आप ते नाहीं  
 चलत पुरुष चलावनहार को गुन लीनो ।

लक्षितलक्षनालक्षण ॥

“निज लक्षण औरहि दिये लक्षलक्षणा जोग” ।  
 यथा—“बीच वास करि जमुनहि आये” । तो  
 जमुना से आइवो असम्भव है याते तीर से आये  
 यह लक्षणा जमुना शब्द ते आपनो सीतल पा-  
 वन गुन तीर को दियो । अरु द्वै द्वे भेद शुद्धागौ-  
 नीके । सारोपा, साध्यवसाना, ताके लक्षण ।  
 जहां जाको आरोप कीजै अरु जामे आरोप  
 कीजै सो दोई पद पाइये सो सारोपा । और  
 जामे आरोप कीजै सोई पद पाइये सो साध्य-  
 वसाना । तामे द्वे भेद । गौनी, सुद्धा । जहां बरा  
 बरी को सम्बन्ध होय सो गौनी, और जहां  
 और सम्बन्ध होय बाचक सो कै कारज सो सुद्धा ।

गौनी सारोपा यथा ।

“विधु-बदनी सृगसावक लोचनि” । तो इहाँ विधु सृग शब्द विधु सृग में है परन्तु अपने गु-  
नन की प्रतीत मुख लोचन में करावत है ।

सुद्धासारीपा यथा ।

रघुवंसिन कर सहज सुभाज ।

मन कुपन्थ पग धरै न काज ॥

इहाँ रघु को जो कीनी धर्म ताको पालनी  
यह सखन्ध ते सुद्धा । धरम को आरोपन वंसिन  
में सो दोड़ पाए याते सारोपा ।

गौनीसाध्यवसाना यथा ।

“मुकुर मलिन अरु नयन बिहीना” । इहाँ  
शास्त्र को आरोप मुकुर में अथवा कर्म को सो  
कर्म न पायो अरु ज्ञान को आरोप नयन में  
सो ज्ञान भी न पायो याते साध्यवसाना । औ  
नेत्र ज्ञान बरावरी ते गौनी ।

अथ सुद्धासाध्यवसाना ।

‘मायावस परछन्न जड़ जीव कि ईस समान’

तो इहाँ संसार को आरोप माया में सो माया मात्र पाई, अरु माया ईश्वर की है या सख्म ते शुद्धा, अरु लक्षणा के भेद सब ८० होत हैं सो ग्रन्थवृद्धि के भय ते नाहीं लिखे ।

टोहा ।

प्रथम भेद है सुद्धही गौनी सुधि के चार ।  
ए ऐसी विधि जानिये छै लक्षणा प्रकार ॥

अथ विंजना ।

अर्थ बनाय कहै अधिक विंजक कहिये सोइ ।  
शब्द मुनै समझै अर्थ होहि जु विमल विकास ।  
सोई विंग जु लक्षणा अविधामूल विलास ॥

लक्षणा मूल विंग में लक्षणा को फल विंग जानिये ।  
अभिधामूल विंग में और अर्थन की प्रतीति सो विंग जानिए ।

विंगहि कहै सुव्यंजना हृत्य सबहि सुख देय ।

सो विंग दो भाँति की । लक्षनामूल । अविधा मूल । सो लक्षनामूल दो रीति की । गूढ़, अगूढ़ ताको लक्षण ।

कवि सुहृदय जाको लखै विंग सुकहिये गूढ़ ।  
जाको सब कोऊ लखै सो पुनि होय अगूढ़ ॥

गूढ़विंग यथा ।

✓ विप्रवंस की अस प्रभुताई ।

अभय होहिं जे तुम्है डराई ॥

दूहाँ हम आप को नाहीं डरात आप के  
ब्राह्मणत्व को डरात यह लक्षित लक्षण ते तुम्है  
मारने ते दोषभागी यह विंग ।

अगूढ़ यथा ।

✓ माता पितहि चरित भए नीके ।

दूहाँ माता-द्रोही विंग सो प्रगटही है ।

अविधामूल लक्षण ।

बहुत अर्थ के शब्द को जागादिक अनुकूल ।  
अर्थ नियम तहँ कीजिये विंग सु अविधामूल ॥  
कहुँ संयोग वियोग कहुँ कहुँ कहै पुनि संग ।  
कहुँ विरोध कर अर्थ कहुँ प्रगटत विंग प्रसंग ॥  
और शब्द के साथ पुनि चिन्ह समै अरु देश ।  
ए औरै पुनि जानिए शक्ति विंग के भेस ॥

संयोग यथा ।

भाल तिलक अमबिन्दु सहाए ।

इहाँ तिलक के संयोग ते भाल लिलाट जानिए ।

सहचरी यथा ।

रामवियोग कहा सुनि सीता ।

इहाँ दासरथी जानिए ।

सहचारी यथा ।

राम लखन सिय कानन वसहीं ।

इहाँ भी दासरथी लखन सहचारी ते ।

विरोध यथा ।

बार बार मुनि विप्रवर कहा राम सन राम ।

इहाँ दासरथी परसुधर जानिए याही रीति  
ते आन जान लीजै ।

अर्थ जु तीन प्रकार के व्यंग सवन ते ह्यते ।

वाच्य व्यंजकता यथा ।

तो पद पदम पखारन कह हूं ।

इहाँ पदपषार तर्पनादिक कर्म करो चाहत  
सो वाच्य ते जानी जात पितृतारन व्यंग ।



सञ्जक विञ्जकता यथा ।

धर्मसीलता तत्र जग जानौ ।

इहाँ विपरीत लक्षणा करि तू अधर्मी है ।

व्यंग व्यञ्जकता यथा ।

बन्दों राम नाम रघुवर को ।

हेतु क्लसानु भानु हिमकर को ॥

इहाँ क्लसानु भानु हिमकर शब्द ते ब्रह्मा विष्णु, महेश प्रथम व्यंगता ते उत्पति पालन संहारकर्ता, द्वितीय व्यंग । अब केवल अर्थही ते व्यञ्जक हीत है सो कहत हैं ।

लक्षण ।

व्यञ्जक शब्द सहाय तें अर्थ जु व्यञ्जक हीय ।  
कहूं कहूं तिहि ठौर में प्रगट गनाजुं सोय ॥  
वक्ता बरन सुकाकु पुनि वचन अर्थ के संग ।  
सभा रूप टिंग और के प्रगटत व्यङ्ग प्रसंग ॥  
देस समय मिलि के कहीं नौ विधि में कविराज ।  
व्यंग्य हीत बहु अर्थ तें लखत सुबुद्धि समाज ॥

वक्ता वसिष्ठ यथा ।

कत सिख देइ हमै कोइ भारी ।

इहाँ वक्ता संघरा को बचन में व्यङ्ग है ।

राजनासकरणक्षया छभावत ।

बोद्ध यथा ।

पुनि आउव यहि त्रिरिया कालो ।

इहाँ बोद्धा जानकी पै व्यङ्ग ।

काकु ।

राम मनुज कस रे सठ वंगो । का राम मनुज है ?

अन्य सनिध ।

रीझहिँ राजकुँअरिछवि देखी ।

इहाँ आपुस में कहि नारद को सुनावत ।

वाच्य ।

कुपथ सांशु रुज व्याकुल रागी ।

बैद न देइ सनहुं मुनि जागी ॥

समय यथा ।

उदय अरुन अवलोकहु ताता ।

इहाँ प्रात सूचित ।

काहू काहू चेष्टा ते भी कहत है ।

यथा ।

खंजन मंजुल तिरछे नयना इत्यादि ।

अथ ध्वनिक लक्षण ।

मूल लक्षणा है जहाँ मूढ़ व्यंग परधान ।  
सोऊ ध्वनि दाभांति की कहत सकल कविराज ।  
अविविच्छित दूष्य दूसरी कहत विविच्छित साज ॥

अविविच्छित लक्षण का अर्थनिर्णय ।

वक्ता की दूच्छा नहीं बचनहि को जु प्रभाव ।  
व्यंग्यकहैं तेहिवाच्य को अविविच्छित ठहराव ॥  
यथा ।

✓ 'कहे सु सेवक बाराहिवारा' । दूहाँ ते,  
'सब सेवकगन गरहि गलानी' । दूहाँ लों,  
वक्ता भरतवाच्य बेचान हम चलहैं सो ल-  
क्षण लक्षणा ते जानो जात, सेवक स्वामि भाव  
व्यंग ते सेवकन को स्वामि भई यह व्यंग ।

विविच्छित लक्षण ।

जहाँ वक्ता की दूच्छा से विंग कटै सो वि-  
विच्छित ।

यथा ।

✓ बहुरि गौरि कर ध्यान करेहू ।  
भूप किशोर देखि किन लेहू ॥

तामे दो भेद । अर्थान्तरसंक्रामितवाच्यध्वनि,  
अत्यन्त तिरस्कृतवाच्यध्वनि । ताको लक्षण ।

अर्थ और सो मिलि रहै सो अर्थान्तरसंक्रामित ।

अरु जहाँ व्यंग की अधिकार्द्ध कहिने को  
वाचक अपनो अर्थ छोड़ि देय सो अत्यन्त तिर-  
स्कृतवाच्य ध्वनि ।

अर्थान्तरसंक्रामित यथा ।

‘जनु जुग जामक प्रजापान से ।’ यामे एक  
प्रजापान भरत के पाहरू टूजे सिष्ट रकार मकार  
अत्यन्ततिरस्कृत यथा ।

‘कुन्दकली दाड़िम दामिनौ’ । इहाँ ते, ‘गज  
केहरि निज करत प्रसंसा’ । उहाँ तक । ‘हरषे  
पाइ सकल जनु राजू ।’ तो इहाँ हरष ह्वैवो  
असम्भव तव वाचक ने अपनो अर्थ छोड़ो अरु  
साध्यावसाना ते दसनादि लीनो की उपमेय ते  
उपमान अनादर पावत रहे यह गूढ़ व्यंग अरु  
तिहारि बैरिन को हरष हम ते नाहीं सहो जात  
यह ध्वनि । अरु जे ध्वनि जुदा कहत ते यह

लिखत की जब व्यंग मे अधिक चमत्कार होय  
सो ध्वनि । याको कछू भेद बढाव के हम सा-  
हित्य सरसी मे लिख्यो है ।

दोहा ।

अर्थ व्यंग के काम को जहँ सो ध्वनि है भाँति  
प्रथमहि क्रम नहि जानिये दूजो है क्रम काँति॥

जहाँ क्रम नहीं जानिये सो असंलक्ष क्रम  
व्यंग ध्वनि कहावै । अरु जहाँ क्रम जानिये सो  
संलक्ष क्रम व्यंग ध्वनि कहावै ।

दोहा ।

जेहिठाँ क्रम नहि जानिये सो ध्वनि बहुत प्रकास  
नव रसभाव अनेक विधि पुनि तिनके आभास॥  
सान्ति सन्धि अरु सबलता उदयभाव विधि और  
तहाँ विराजत नाम ए एहै प्रभु जेहि ठौर ॥  
अलङ्कार ए होत सब जहाँ और परधान ।

वार्ता ।

जहाँ रस अंग होय मुख्य रसभावादिक होय  
तहाँ रसवदा अलंकार कहिये रस न कहिये ।

जहाँ भाव अंग होय मुख्य कोज और होय तहाँ प्रेयसत अलंकार । जहाँ आभास अंग होय मुख्य कोज और होय तहाँ ऊर्जस अलंकार । जहाँ भाव सान्तादिक अंग होय तहाँ समाहित । इन के उदाहरन मध्यम काव्य के प्रसंग में कहेंगे ।

अब रस को रूप कहियतु है । तहाँ रस को मूल भाव है याते प्रथम भाव कहियतु है ।

भाव लक्षण ।

रस अनुकूल विकार को भाव कहत कविराज ।

यथा ।

कङ्कनकिङ्किनिनूपुरधुनि सुनि ।

कहत लखन सन राम हृदय गुनि ॥

इहाँ धुनि सुनि शृङ्गार अनुकूल विकार उपजो । सो भाव चार प्रकार को । विभाव, अनुभाव, संचारी, थाई ।

विभाव लक्षण ।

जिनते जिनके जगत मे प्रगटत है थिर भाव ।

तेई नित्य कबित्त से पावत नाम विभाव ॥

अनुभाव लक्षण ।

धिर भावन को और को प्रगटे ते अनुभाव ।  
संचारी जे साथ हो बहुत बढ़ावे हाव ॥

अरु सब रस में संचरें ते विभाव दो भाँति ।  
आलम्बन, उद्दीपन ।

लक्षण ।

जे निवास धिरभाव के ते आलम्बन जान ।  
सुधि आवत जिनके लखे ते उद्दीप बखान ॥  
आलम्बन रति के कहत नवल नारि अरु कान्त ।  
उद्दीपन बहु भाँति के घन बन सरद बसन्त ॥

आलम्बन यथा ।

✓ अस कहि फिर चितये तेहि ओरा ।  
सियमुख ससि भए नयन चकोरा ॥

उद्दीपन यथा ।

✓ प्राची दिसि ससि उये सुहावा ।  
सियमुख सरद देखि सुख पावा ॥

जानकी को याही रीत । 'देखि रूप लोचन ललचाने'

आलम्बन ॥

✓ निसहि ससिहि निन्दहि बहु भाँती ।

दृष्टोपन ।

सो भी दो रीत के । घनवनसरदादि दैवी,  
गृहवस्त्रादि मानुषी ।

पठ उर लाय सोच अति कौन्हा ।

अनुभाव ।

वचन चित्तैयो वक्र विधि अन जे सात्विकभाव ।  
आलिंगन चुम्बन जिते ते कहिए अनुभाव ॥

वचन यथा ।

मानहु मदन दुन्दुभी दीनी ।

चितवन यथा ।

प्रभुहि चितै पुनि चितै महि राजत लोचनलोल  
खेलत मनसिज भीन जुग जजु विधुमण्डलडोल  
सात्विक लचन ।

बँधि रहियो खरभंग पुनि कंग खेद असुआन ।  
रोम विवर्न रु अंत पुनि सात्विक भाव वखान ॥

यथा ।

‘अधिक सनेह देहभई भोरी’ इत्यादि जानिए ।

अथ मंचारी ।

प्रथम कहत निर्वेद गलान ।

संक अमूया मद अम जान ॥



आलस बहुरि दीनता चिन्ता ।  
 मोह अमित धृति लाज कहन्ता ॥  
 बेग चपलता जड़ता हर्ष  
 गर्भ विषादरु नीद असर्ष ॥  
 औत्सुक्य अपह्यार सोइबो ।  
 बोध उग्रता प्रान खोइबो ॥  
 बुद्धि व्याधि अवहित्या आस ।  
 उन्माद वाद पुनि तर्क बिलास ॥  
 संचारी तैतीस गनाए ।  
 नवहूं रस के संग सुहाए ॥

संचारी लक्षण ।

जीहि तेहि बिधि संसार सुख देखत उपजै खेद ।  
 उदासीनता जगत तै सो कहिये निर्वेद ॥  
 आधि व्याधि ते जो भई बलकी हानि ग्लान ।  
 वस्तु भावती हान ते उर पुनि संका मान ॥  
 अनसहिबो पर भले को सुवह असूया होय ।  
 मोह जु अति आनंद ते सद कहियत है सोय ॥  
 बहुत उतायल काज ते श्रमजु सिथिलता अंग ।  
 उठि न सकै ऐडाय तन जहां स आलस अंग ॥

होय, सलिनमन दुखन ते तव दीनता कहाइ ।  
 चिन्ता जो प्रियवस्तु की ध्यानो करत विहाइ ॥  
 चित्तविकलता मोह है स्मृति सुधि कर होय ।  
 धृति संतोष बखानिये लाज सकुचिबो सोय ॥  
 अनहोनी को होत लखि चितक्षम सो आवेग ।  
 काज उताइल चमलता जहँ मन है उदवेग ॥  
 सब कामन ते सुन्न है रहिबो जड़ता सोइ ।  
 चित में अतिआनंद उमगि बढ़ोहर्ष तव होइ ॥  
 सब ते सबविधि हो सरस यह चितगर्भ कहाय ।  
 दुख ते मन अतिहीं घटे यह विषाद को भाय ॥  
 जहँ कछु काम न कर सकैं इंद्री निद्रा होय ।  
 अमरष सो कहिये जहाँ क्रोध अधिक धिर जोय ॥  
 औत्सुक्य जहँ काम की चित न सहिसकै ठील ।  
 अपस्मार जहँ मूरछा भ्रमर विकलता डील ॥  
 सपनो कहिये सोइबो बोध जागिबो होइ ।  
 जग निंदन समरत्य चित कहै उग्रता सोइ ॥  
 प्रान मगनता मरन मति निहचै ज्ञान कहाय ।  
 होइ जु मन संताप ते तन गद व्याधि सुभाय ॥

अवहित्या जहँ लाज ते हर्ष न सोका लखाय ।  
चित अम सो उन्माद है डर पुनि चास कहाय ॥  
सोई तर्क बहानिये जहँ विचार बहु भाय ।  
संचारी तैतीस ए कहै सकल कवि गाय ॥

अथ मभाप्रकाशे ।

भाग गति चालि रूप सोई अंग करे पुनि  
थार्इही सें टूटे प्रगटत निरधाग्यौ है । निर्वेद  
अपस्मार मरन कहत कोई संतहूँ को अंग सो  
सिंगार सैं निवाग्यौ है । कौमुभ ग्रन्थ गौरि खन  
को तामे तें संचारी निवाग्यौ है ॥

भावगति ३ । तुक को अर्थ रति की गति  
कों चलाय देय कोप प्रगट हीय भाव रति उ-  
त्साहादिता की गति को चलाय देय मानादि  
अंगीकार करे चौथी तुक को अर्थ निर्वेद अप-  
स्मार मरन ये तीन संचारी करुना वीभत्सादि  
सैं होत है । अरु आन ग्रन्थ ते तीसई शृङ्गार के  
होत हैं सो हम साहित्य सुधाकार के मंगल सैं  
लिखे हैं ।

अथ संचारी के उदाहरण निवेद यथा ।  
 अद् प्रभु कृपा करहु इहि भांती ✓ ।  
 सब तजि भजन करौं दिन राती ॥

ग्लानि यथा ।

अस कहि वचन सचिवं रहि गएज । *Handwritten mark*

हानिग्लानि संका यथा ।

शिवहि विलोकिससंकीउ मारु ।

असूया यथा ।

तव सिय देखि भूप अभिलाषे ।

कूर कपूत मूढ मन मारखे ॥

मद ।

रनसदसत्त निसाचर दर्पा ✓ ।

अम ।

असित भूप निद्रा अति आई 'याही में निद्रा' ।

आसल ।

रघुवर जाय शयन तव कीन्हा ।

दीनता ।

पाहि नाथ कहि पाहि गोसाईं ।

चिन्ता ।

चितवत चक्रित चहुदिसि सीता *Handwritten mark*

मोह ।

लीन्हि लाय उर जनक जानकी ।

सुमिरन ।

जब जब राम अवध सुधि करहीं ।

धृति ।

“सुनु मातु मैं पायो सकल जग राज आजु  
न संशयं ।”

लाज ।

गुरु जन लाज समाज बड़ देखि सीय सकुचानि ।

आवेग ।

लछमनं दीख उमा कृत वेषा । चकित ।

चपलता ।

करत मनोरथ आतुर धावा ।

जडता ।

मुनि मन माँझ अचल ह्वै वैसा ।

हरष ।

हरषि राम भेटेउ हनुमाना ।

गर्भ ।

कहुं जग मो समान को योधा ।

विषाद ।

अति विषाद बस लोग लुगार्डे ।

अमर्ष ।

जीते जो भट संयुग माहीं ।

सुनु तापस मैं तिन सम नाहीं ।

श्रीसुख ।

वेग चलिय प्रभु अनिये भुजवल रिपुदल जीत ।

सूछा ।

अस कहि सूछि परो महि राज ।

अश्रम ।

राम लखन सखि होहिँ कि नाही ।

सपू ।

सपने वानर लंका जारी ।

बोध ।

प्रात पुनीत काल प्रभु जागे ।

उग्रता ।

जिते सुरासुर तव अश्रम नाही ॥

नर वानर केहि लेखे साहीं ॥

सूछा ।

राम राम कहि राम कहि राम राम कहि राम ।

तन त्यागो ।

ज्ञान ।

भयो ज्ञान उपजो नवनेहा ।

व्याधि ।

यह कुरोग कर औषधि नाही ✓ ।

अवहित्या ।

चकित चितव मुँदरी पहिचानी ।

उन्माद ।

✓ कबहुँ कि पुनि पीछे फिरि जाई ।

चास ।

✓ गुरु पहँ चले निसा बड़ जानी ।

तर्क ।

✓ जब समुझत रघुवीर सुभाऊ ।

स्थाई लक्षण ।

सब भावन सरदार है टार सकै नहिँ कोय ।

सो थिरभाव बखानिये रस सरूप जो होय ॥

सभाप्रकाशे ।

जामे भाव अनेक सब होहिँ रहे छपि जाहिँ ।

रस लक्षण ।

काव्य कला धरे शंकुमते ।

दोहा ।

0 विभावादि थार्इ यथा दोह न मिलि के होय ।

अनुमायक मायक कहत रस सम्बन्ध सु जोय ॥

भट्टनायकमते ।

विभावादि संयोग ते भोजक भोग्य बखान ।

जहाँ होय सम्बन्ध यह तहाँ सुरस पहिचान ॥

रसतरंगिनी ।

जहँ विभाव अनुभाव मिलि सात्विकोऽथैव्यभिचार ।

पूरनथार्इ भाव ते परपूरन संचार ॥

स्मरहस्ये ।

जैसे सुख है ब्रह्म को मिले जगत सुधि जात ।  
 लोई गत रस मे मगन भये सु रसना भात ॥

समाप्तकाशे ।

मिलि विभाव अनुभाव अरु संचारी जे आन ।  
 उपजावत रस रुचिर यों ज्यों निज अंगन पान ॥

तामे कोई कहत उत्पत्ति हीत है तहाँ कोई  
 ऐसो कहत उत्पत्ति हीय तौ लीला राम देखि  
 फेर राम देखिवे की चाह नाहीं चाही अरु रस  
 दृश्य पदार्थ चाही याते अनुमान होत है, लीला  
 राम ते राम अनुमान भयो ऐसहीं विभावादि  
 तें अनुमान है तहाँ आन कही अनुमान ते का-  
 रज नाहीं हीत जैसे पर्वत में धूम देखि अग्नि  
 अनुमान कीना तहाँ पाकादि क्रिया नाहीं सिद्ध  
 है लीला राम ते जो सादृश्य रूप हृदय मे आवै  
 तौ कार्य हीय है ऐसीही रस, जैसे स्वयंभू मनु  
 को लीला राम देखि राम प्राप्ति भये वामें कोई  
 कहै देखना कहाँ लिखा तौ गुसार्ई लिखी—



‘विधि हरि हर तप देखि अपारा’ इहाँ त देखि  
 सो सरूप लौं विचारो कैसे आनजाने  
 याते भोग कही चाही अरु व्यञ्जक सब को मत  
 है यामे बहुत ग्रन्थ बृद्धि भय ते नाहीं लिखत  
 तहाँ प्रथम शृङ्गार लक्षण ।

सभाप्रकाशे दोहा ।

रस्य देश अरु चातुरी समै आदि है वेष ।  
 इनते तिय प्रिय चित रँजन मधुरा रति सुचिशेष ॥  
 वार्ता ।

जहाँ नायक नायका संयोग चाहै सो मधु-  
 रा रति ।

दोहा

ललित अंग संचरन तै सो रति पाय प्रकाश ।  
 उपजत रस शृङ्गार सो कविजन कहत सहर्ष ॥  
 हे प्रकार शृङ्गार रस कहि संयोग नियोग ।  
 मिलिबो अनमिल आदि है वरनत पंडितलोग ॥  
 संयोगजया ।

✓ “निज कर भूषन राम बनाये” । “सीतहि  
 पहिराये प्रभु सादर” । इहाँ राम जानकी पर-

स्पर् अलंबन विभाव काटाद्यादि अनुभाव हर्ष  
संचारी रतिस्थार्द्ध याते शृङ्गार याके देव कृष्ण  
स्यास रंग जानिये ।

अथवियोग । रसरहस्ये ।

अव वियोग कहि पाँच विधि जहँ पूरव अनुराग  
विरह ईरषा श्राप पुनि गमन विदेश विभाग ॥

पूर्वानुराग जया ।

लोचन मग रामहि उर आनी ।

फिरी अपुन यौ पितुवस जानी ॥

विरह ।

निसहि ससिहि निन्दहि बड्ढु भाँती ।

जुग सम भई सिरात न राती ॥

ईरषा ।

गौतमतिय गतिसुरतिकरि नहिपरसतिपदपानि  
मन विहसे ।

श्राप ।

विरह विकल भगवन्तहि देखी ।

नारद मन भा छोभ विशेषी ॥

मोर श्राप करि अंगीकारा ।

सहत राम नाना दुख भारा ॥

विदेसगमनयथा । ✓

चलन चहत बन जीवन नाथा ।

अथ पूर्वानुरागको दसदसा ।

नयनप्रीत १ चिन्ता २ संकल्प ३ नीदनास ४  
हृशता ५ रुचिहानि ६ लाजभंग ७ उन्माद ८  
सूर्क्षा ९ मृत्यु १० ।

नयनप्रीत जथा ।

देखि रूप लोचन ललचाने । ✓

चिन्ता ।

सुमिरि पितापन मन अति छोभा । ✓

संकल्प ।

बरौं संभु नतु रहौं कुमारी । ✓

क्रसता ।

देखि उमहि तप छीन शरीरा । ✓

रुचिहान ।

पुनि परिहरे पुराने परना । ✓

लाज भंग ।

चली उमा तप हित हरषाई । ✓

उन्माद ।

तुम सम पुरुष न मोसम नारी । ✓

इत्यादि, अरु जो शृङ्गार को आलंबनविभाव  
नायक नायका ताके अनेक भेद होत हैं ।

नायक ।

पति उपपति वैसिक त्रिविधि नायकभेदवखान ।

तिलक ।

पति जाति विवाह होय, उपपति आन को  
पति, वैसिक जाति धन की चाह रतिहेतु होहि।  
पतियथा ।

सोहत सिया राम की जोरी ।

उपपतियथा ।

छल करि टारिय तासु ब्रत प्रभु सुरकारज कान  
इत्यादि । अरु पति के भेद अनुकूलादि बहुत  
होत है । अरु नायका श्वकीया, परीकया, सा-  
मान्या । जो निज पति सों रति करै सो श्व  
कीया, पर पति सो प्रीति करै सो परकीया,  
जो भ्रंन को चाह राखै सो सामान्या ।

स्वकीयाजथा ।

पति देवता सुतीय महुँ मातु प्रथम तव रेष ।

इत्यादि बहुत भेद होत हैं ।

अथ हास्यरस ।

जहुँ अजोग को जोग पुनि उलटो लखिये काज

बुरो रूप चितवन चलन हास विवरन विभाव ।

मन्द मध्य अरु उच्च स्वर हँसिबो है अनुभाव ॥

हरष उद्वेग रु चपलता ते संचारी भाव ।

डूनते नित्य कवित्त में हास्य व्यंग जहँ होय ।

कवि सुहृदै सब रसन में हास्यरस्य है सोय ॥

यथा ।

✓ नाना जिनिस देख कर कीसा ।

पुनि पुनि हँसत कौशलाधीसा ॥

डूहँ बानर विभाव हसन अनुभाव हरष संचारी ।  
हास्यव्यंग स्वेत रंग प्रथुदेव ।

अथ — करुणा ।

दुखी देखिये मित्र कीं मृतक आप्रयुत बन्धु ।

डूनते उपजत सोक लखि दारिद्र्युत अतिबन्धु ॥

रुदन कांप अरु रोम तन ए अनुभाव बखान ।

मोह मूरछा दीनता ते संचारी जान ॥

डूनते नृत्य कवित्त में सोकव्यंग जहँ होय ।

कवि सुहृदय सब रसन में करुणा रस तहँ जोय ॥

यथा ।

✓ “अवगाह सोक समुद्र सोचहँ नारि नर

व्याकुल सहा" । इहाँ दशरथ सरन विभाव को उद्दीपन राम माता रुदन अनुभाव, मोह दी-  
नता संचारी, सोक थाई, याते करुना । अरु  
कोई कहै करुनारस कैसे तौ अधिकारी के भेद  
में रस होत है । जैसे हनुमानजू अयोध्याकाण्ड  
कथा श्रवन करत आनन्द को प्राप्त होय हैं ।  
अरु सती भी पति साथ ऐसेही वीभत्स में भी-  
ससेन दुश्शासन को रुधिर पियो ।

अथ रौद्ररस लक्षण ।

गर्व वचन रिपु रन लखत और कटे हथियार ।  
डूनते उपजत क्रोध है ए विभाव सरदार ॥  
भृकुटीकुटिल अरुअरुनदृग अधर फरक अनुभाव  
गर्भ विकलता चपलता ते संचारी भाव ॥  
डूनते नृत्य कवित्त में क्रोध व्यंग जहँ होय ।  
कावि सुहृदय सब वाहत हैं रौद्ररस्य है सोय ॥

यथा ।

जो सत संकर करै सहाई ।  
तो मारौ रन रामदोहाई ॥

इहाँ इन्द्रजीत विभाव भुजादि फरकव अनु-  
भाव गर्भ संचारी क्रोध थार्ह ताते रौद्र ।

अथ वीर के विभाव ।

युद्धोदाक दया बहुरि धर्म सु चार प्रभाव ।

उग्र जीव जेते जहाँ ते कहिये अनुभाव ॥

वचन अरुनता बदन की अरु फूलै सब अंग ।

ए अनुभाव बखानिये सब वीरन के संग ॥

वार्ता ।

उग्रता असूया संचारी, उत्साह थार्ह समता  
की सुधि लौं वीर सम सुधि मूलते रौद्र इनमें  
दूतनो भेद ।

यथा ।

सुनि सेवक दुख हीन दयाला ।

फरकि उठे होउ भुजा विशाला ॥

इहाँ बैरी के बल की सेवक दुख उहीपन  
विभाव भुज फरकव अनुभाव आपनी उग्रता  
बालि के बल की तारीफ न सुहानी सो असूया  
उत्साह थार्ह थाते वीर । इन्द्रदेव पीत रंग ।

अथ भयानक ।

वाघ व्याल विकराल रन सूनी वन गृह देखि ।  
जोरावर अपराधयुत भाव भयानक लेखि ॥  
कांप रोम प्रखेद तन ए अनुभाव बखान ।  
सोह मूरछा दीनता ते संचारी जान ॥  
डून्ते नृत्य कवित्त में अति भय परगट होय ।  
कवि सुहृदय को मगनसन कहत भयानक सोय ॥

यथा ।

“हाहाकार करत सुर भागे ।” इहाँ रावन  
जोर, विभाव, देव, कांप अनुभाव, दीनता संचारी,  
भय घाई, यम देव, नील रंग ।

अथ बीभत्स ।

अनुभावन को देखिबो सुनिबो सुमिरन जान ।  
और निषिद्धक दर्ज ए ग्लान विभाव बखान ॥  
निन्दा करिबो कम्प तन रोम सु है अनुभाव ।  
दुःख असूया जानिये है सच्चागी भाव ॥  
कवित नृत्य में ग्लान जहँ डून्ते परगट होय ।  
नव रस में बीभत्स रस ताहि कहत कवि लोय ॥



यथा ।

‘श्रोनित सर काहर भयकारी’ डूहँ ते राम  
सर निकारन हये लौं अंगी बौभत्स जानिये ।  
तहाँ मञ्जादिक विभाव अरु देखनहारन के रोम  
अनुभाव, असूया संचारी, ग्लान थाई, काल देव,  
नील रंग ॥

अथ अद्भुत रस के विभाव — दोहा ।

जहँ अनहोनी देखिये वचनरचन अनुरूप ।  
अद्भुत रस के जानिये ए विभाव सारूप ॥  
वचन कस्य अरु रोम तन ए कहिये अनुभाव ।  
हरष संखचित मोहयुत ते संचारी भाव ॥  
डूनते नृत्य कवित्त में व्यंग आचरण होय ।  
नौज रस में जानिये अद्भुत रस है सोय ॥

यथा ।

‘सती देखि कौतुक भग जाता’ डूहँ ते ‘नेन  
सूँदि बैठी’ डूहँ तक, तहाँ राम विभाव, कस्य  
अनुभाव, संका मोह संचारी, आचरण व्यंग,  
कामदेव पीत रंग याते अद्भुत ।

प्रथ सांतरमके विभाव ।

सिद्धमंडली तपोवन काथा जगत समसान ।

ए विभाव अनुभाव पुनि सब में समता ज्ञान ॥

ताको लक्षण ।

तत्व ज्ञान ते कवित से जहँ उपजत निर्वेद ।

कहत सांतरस तासु सों सो है नवसो भेद ॥

धीरज हरष संचारी जानिये ।

सोरठा ।

मन हरिपद अनुराग तज कुतर्क नाना सकल ।

सहामोह निसि जाग सोवत वीते काल वह ॥

इहाँ नाना इतिहाँस विभाव, समता अनु-  
भाव, धीरज हरष संचारी, निर्वेद थाई, विष्णु  
देव, खेत रंग, याते सांत, अरु कोई तीज रस  
अनुमानत दास्य सिष्य वात्सल्य अरु कोई इ-  
नहीं में भाव ध्वनि मानत दास्य में देव रति-  
भाव ध्वनि सिष्य में मित्र रतिभाव ध्वनि वा-  
त्सल्य में पुत्र रतिभाव ध्वनि ।

भावध्वनि लक्षण ।

संचारी ए व्यंग के देवराज रति हीय । २५

जहँ प्रधानता करि कहत भाव ध्वनि है सोय ॥

संचारीभाव ध्वनि यथा ।

जब जब राम अवधसुधि करहीं ।

तब तब वारि बिलाचन भरहीं ॥

इहाँ अवध सुमिरन ।

दंवरति यथा ।

भरत सुभाव न सुगम अगमहूँ ।

इहाँ कवि उक्ति देवता विषै है ।

राजरति यथा ।

हम सेवक स्वामी सियनाहूँ ।

सुनि रति ।

‘भानुवंस भय भूप घनेरे’ इहाँ ते असीस लौं ।

पुत्ररति यथा ।

लोचनओट राम जिन होज ।

आंतरति ।

‘सीतारामचरन रति सोरे ।’ ऐसही और जानिये अरु जहाँ अनुचित रस होय तहाँ रसाभास अनुचित भाव ते भावाभास ।

रसाभास यथा ।

॥ ‘प्रभु लक्ष्मन पहि फेर पठाई’ । तो इहाँ एक सुपनखा कालकीय राम लक्ष्मन सो रति याते रसाभास ।

भावाभास यथा ।

गुरु सन कहा करिय प्रभु सोई ।  
रामहि भरतहि भेंट न होई ॥

इहाँ अनुचित चिन्ता ।

भावोदय ।

कैकेई मन जो कछु रहेज ।  
सो विध आजु दुसहदुख दयज ॥ →

इहाँ ईर्ष्याभाव की उदय ।

भावसंधि ।

बन्धुसनेह सरस इहि ओरा ।  
उत साहेव से वावर जोरा ॥

इहाँ मोह चास दो भाव की सन्धि है ।

भावसबलता ।

चकित चितै मुँदरी पहिचानी ।  
हरष विषाद हृदय अकुलानी ॥

इहाँ मोह हर्ष विषाद उद्वेग की सबलता ।

भावसांति ।

विसरे हरष सोक सुख दुख गन ।

इहाँ भरत के हृदय में जो भाव रहे सो सान्ति  
इहाँ यद्यपि रस है तदपि भावमुष्टा जानिये ।

दोहा

रस खाहेब सब ठाँ तज कछूँ भाव सरसात ।  
ज्यों सेवक के व्याह में राजा चलै बरात ॥

यथा ।

‘हरषि चले मुनिवर के साथी’ । सदा राम  
संग चराचर रहत तथापि मुनिसंग वाहे ।

इति असंलक्षकम व्यंग ध्वनि ।

अथ संलक्षकम व्यंगध्वनि ।

“शब्द अर्थ दून दुहुन तें आँई सी परतीत”  
सी तीन रीत की, शब्द शक्ति १ अर्थ शक्ति २  
उभय शक्ति ३ शब्दशक्ति जहाँ ज्ञान पर जाय  
शब्द एते न निकसै ।

शब्दशक्ति यथा ।

पूछा गुनिन रेख तिन खाँची ।

भरत भुआल हींहि यह साँची ॥

दूहाँ गुनिन रेख खाँची भुआल तें सिद्ध होत  
ज्ञान ते बाहीं जो नृप कहो राजा कहो तो गुनी  
असत होय याते भरत पृथ्वी मे रहिहैं ।

अथ अर्थशक्ति ।

जहाँ पर जाय शक्ति दिए ते व्यंग अर्थ रहै  
सो अर्थ शक्ति तामे प्रथम तीन भेद, स्वतः सं-  
भवी कवि प्रौढोक्ति कवि निबद्धवक्ता की उक्ति ।

वार्ता ।

जगतप्रसिद्ध अर्थ ते स्वतः संभवी औ कवि  
करो प्रौढ़ सो कवि प्रौढोक्ति जैसे जस स्वेत वा-  
लंक स्याम । दोहा ।

कहैं कहावैं जड़न सों वार्तें विविध प्रकार ।

उपमा में उपमेय को देहिँ सकल अधिकार ॥

इत्यादि, औ कविन की निषिद्धता कों वक्ता  
की उक्ति ते बरने सो कविनिषिद्ध वक्ता की  
उक्ति ।

वस्तु लक्षण ।

जहँ विशेषगन वाक्य को अर्थ चमत्कृत होय ।

अलंकार ते भिन्न जो वस्तु कहावै सोय ॥

अथ स्वतःसंभवीवस्तु ते वस्तु यथा ।

पलंग पीठ तजि गोदहिँ डोरा ।

सिय न दीन पग अवनि कठोरा ॥

इहाँ जानकी की सुकुमारता वस्तु ते, वन  
जिन साथ लेहु यह दूसरी ।

स्वतःसंभवोवस्तु ते अलंकार ।

पाहन क्लमि जिमि कठिन सुभाज ।

तिनहि क्लेश न कानन काज ॥

इहाँ जानकी की सुकुमारता वस्तु ते, उ-  
पमा अलंकार ।

अथ स्वतः संभवाअलंकार ते अलंकार यथा ।

कल्पवेलि जिमि बहु विधि लाली ।

सोच सनेह सुधा प्रतिपाली ॥

इहाँ उपमा अलंकार ते रूप अलंकार ।

अथ स्वतः संभवी अलंकार ते वस्तु यथा ।

चन्द्रकिरणरसरसिक चकोरी ।

रविसन्मुख रूप सकहि न जोरी ॥

इहाँ दृष्टान्त अलंकार ते सुकुमारता वस्तु ।

अथ कविप्रौढोक्ति वस्तु ते वस्तु ।

तब रिपुनारिहृदनजलधारा ।

भरो बहोरि भयो सो खारा ॥

इहाँ रामप्रताप वस्तु ते बैरिन को चास दूसरी वस्तु ।

एविप्रौढोक्ति वस्तु ते अलंकार ।

दण्ड जतिनकर भेद जहँ नृत्तक नृत्य समाज ।

जीतो मनसिज सुनिय अस रामचन्द्र के राज ॥

इहाँ रामराज वस्तु ते' परिसंख्या अलंकार ।

कवि प्रौढोक्ति अलंकार ते अलंकार दोहा ।

आश्रम सागर सान्तरस पूरन पावन पाथ ।

सेन मनो करुनासरित लिये जात रघुनाथ ॥

इहाँ रूपक ते उत्प्रेक्षा अलंकार ।

कविप्रौढोक्ति अलंकार ते वस्तु ।

नाम पाहरू दिवस निस ध्यान तुम्हार कपाट ।

लोचन निज पद यन्त्रिका प्राण जाहिँ केहि बाट

इहाँ रूपक अलंकार ते जानको विरहवस्तु ।

अरु कवि निबद्ध बक्ता की उक्ति कविन जो बाँधी

सो बक्ता कहै इतनो भेद याते न्यारे उदाहरन

नाहीं किये अरु शब्द अर्थते होय सो उभय धुनि

यथा ।

'लखन लखा प्रभु हृदय खभारू' इहाँ लक्ष-



मन सौमित्र कहो तो न होय याते हृदय की जाननहार ते शब्द शक्ति अरु समय धर्म सें रास जानि कै भाई भी शत्रु भयो ता हेतु आपनी सेवकता जाहिर करत सो समय सम औसर सम कहो तो भी होय याते उभय सक्ति अरु ध्वनि के भेद १०४०५५ अरु मध्यम काव्य के भेद ८ अपरांग १ असुन्दर २ सन्दिग्ध ३ तुल्यप्रधान ४ वाच्यसिद्धांग ५ अस्फुट ६ काकजिप्त ७ अगूढ़ ८ अपरांगता सें चार भेद, रसवत प्रेयो ऊर्जस समाहित ।

रसवत लक्षण ।

जहाँ रस अंग होय मुख्य आन होय सो रसवत यथा ।

अति सुकुमार युगुल मम वारे । ✓

निसिचर सुभट महाबल भारे ॥

झुँहाँ बात्सल्य को अंग भयानक ।

नागपास बस भये खरारी । ✓

अविगत अलख एक अविकारी ॥

इहाँ अद्भुत को असंगसान्त ।

सियहि विलोकित क्यों धनु कैसे ।

चितव गरुड़ लघु व्यालहि जैसे ॥

इहाँ शृङ्गार को अंग वीर ।

अथ प्रेयो लक्षण ।

जहाँ भाव अंग आन कोज अंग तहाँ प्रेयो ।

यथा !

सोह नवल तन सुन्दर सारी ।

जगतजननि अतुलित छवि भारी ॥

इहाँ शृङ्गार को अंग देव रति भाव ध्वनि ।

अथ ऊर्जस लक्षण ।

जहाँ अभाव अंग हीय आन कोज अंगी तहाँ

ऊर्जस ।

यथा ।

प्रभु विलोकि सर सकहिँ न डारी ।

यकित भये रजनीचर भारी ॥

इहाँ शत्रु में सोह अनुचित याते वीर को

अंग भावाभास ।

देखि रूप मुनि बिरति विसारी ।

बड़ी बार लागि रहे निहारी ॥

इहाँ मुनि में रति अनुचित सो हास्य को  
अंग याते रसाभास ।

अथ समाहित ।

जहाँ सान्ताहिक अंग होय आन अंगी होय  
तहाँ समाहित ।

यथा ।

पुनि संभारि उठी सो लंका ।

जोरि पानि करि बिनय ससंका ॥

इहाँ क्रोध की सान्ति वीर को अंग ।

इति अपरांग ।

अथ असुंदर लक्षण ।

वाच्य ते व्यङ्ग सुन्दर न होय सो असुन्दर ।

यथा ।

नाथ उमा मन प्रानप्रिय गृहकिङ्किरी करेहु ।

कमहु सकल अपराध अब ह्वै प्रसन्न बर देहु ॥

दूहाँ सती को अपराध क्षमा नाहीं कियो  
यह व्यङ्ग सो वाच्य ते सुन्दर नाहीं ।

अथ सदिग्ध ।

जहाँ व्यंग को निश्चय नाहीं तहाँ सन्दिग्ध ।

यथा ।

मरम वचन जब सीता बोली ।

हरिप्रेरित लक्ष्मनमति डोली ॥

दूहाँ मरम वचन में बहुत अर्थ न जाने कहा  
कहे, तुम भरत में मिलि गये के छत्री कहाय  
धनु वान धारन करि रन ते डरत हो याको  
निश्चय नाहीं याते सन्दिग्ध ।

अथ तुल्यप्रधान ।

जहाँ वाच्यव्यंग बराबर होय सो तुल्यप्रधान ।

यथा ।

‘दूक कहहिँ दूक कहि करहिँ अरु दूक वा-  
रहिँ कहत न वागहीँ ।’ दूहाँ हम कहत नाहीं  
करि दिखादूहै सो वाच्य की बराबर व्यंग है  
याते तुल्यप्रधान ।

वाच्यसिद्धांग लक्षण ।

जहाँ शब्द सिद्ध अनेक अर्थवागे दोय अर्थ  
को कहै सो वाच्य सिद्धांग ।

यथा ।

बेगि बिलम्ब न करिय नृप साजी सबै समाज ।  
सुदिन सुमंगल तबहिँ जब राम होहिँ युवराज॥

इहाँ जब राम युवराज होहिँ तब सुमंगल,  
अरु जब ह्वैहै तब सुदिन बूझव अबै राम बन  
गवन करिहै ।

अथ अस्फुट लक्षण ।

जो बहुत कलेश ते व्यङ्ग होय सो अस्फुट ।

यथा ।

गौतमतियगतिसुरतिकरि नहिँ परसत पदपान।  
मन विहँसे रघुवंशमणि प्रीति अलौकिक जान॥

इहाँ रामचरन पर पत्नी सुरति करि अरु  
प्रीत ने यद्यपि बहुत पोषण कीनो तथापि बहुत  
क्लेश ते पाई ।

काकुत्स्वरभेद यथा ।

है दससीस मनुज रघुनायक ।

जाके हनुमान सो पायक ॥

इहाँ राम का मनुज हैं ?।

अगूढ ।

जो तुम होते मुनि की नाईं ।

तौ पदरज सिर धरत गुसाईं ॥

इहाँ तुम वीर वेष बनाय आये सो प्रगटही है।

इति मध्यमकाव्य ।

अथ गुन ।

चित्त में आनन्द करै रस को भिन्न सो तीन  
भाँति । माधुर्ज, ओज, प्रसाद ।

माधुर्ज लक्षण ।

जाके सुनत चित्त द्रवै सो माधुर्य ।

यथा ।

कङ्कनकिङ्किनिनूपुरधुनि सुनि ।

अथ ओज लक्षण ।

उद्धत वर्ण टवर्ग ते होय सो ओज ।

यथा ।

कटकटहिं जंबुक भूत प्रेत पिसाच खप्पर  
संचहीं ।

अथ प्रसाद ।

जहाँ शीघ्र अर्थ जानो जाय सरुचि वरन  
परे सो प्रसाद ।

यथा ।

ज्ञानी तापस सूर कवि कोविद गुन आगार ।  
केहिक्कि लोभ बिडम्बना कौन न यह संसार ॥

अथ अलंकार लक्षण । काव्यकलाधरे बरवा ।

रस अरु व्यङ्ग दुहुन ते न्यारो होय ।

अर्थ चमत्कृत शब्दहि भूषन सोय ॥

उपमालक्षण चमत्कार चन्द्रिका ।

उपमानरु उपमेय जहँ वाचक धर्म सुचार ।

पूरन उपमा हीन ते लुप्तोपमा विचार ॥

पूरनउपमा तथा ।

तरुन अरुन अंबुज द्रुव चरना ।

अरुनधर्म अंबुज उपमान, द्रुव वाचक,  
चरन उपमेय ।

वाचकलुप्ता यथा ।

‘वदन मयङ्क तापत्रयमोचन’ । वदन उपमेय  
मयङ्क उपमान, तापमोचन धर्म ।

अथ धर्मलुप्ता यथा ।

‘प्रभु भुज करिकर सम दसकन्धर’ । भुज  
उपमेय, करिकर उपमान, सम वाचक ।

अथ उपमानलुप्ता यथा ।

‘नखदुति हृदय भक्ति तम हरना’ । नख  
उपमेय, दुति धरम इत्यादि ।

अथ अनन्या ।

उपमानो उपमेय कर काहत अनन्या ताहि ।  
यथा ।

इन सम ए उपमा उर आनी ।

अथ उपमानोपमेय लक्षण ।

उपमा लागै परस्पर सी उपमा उपमेय ।

यथा ।

वे तुमसे तुम उनसम खासौ ।

अथ प्रतीप कंठाभरणे ।

उपमान जहाँ उपमेय हो जाय तहाँ पहि-  
लोई प्रतीप भने ।



यथा ।

उतरि नहाने जमुनजल जो सरीर सम स्याम ।

दुतीय प्रतीप ।

उपमान जहाँ उपमेयता लहि फिर ताहि  
निरादर दूजी भने ।

यथा ।

जिनके बल कर गर्भ तोहि ऐसे मनुज अनेक ।

अरु कोई कहै मनुष्य भर के राम उपमान  
है तो जब ईश्वर भए तब इन्द्रादिक सबके उ-  
पमान भए ।

वरवाः यथा ।

का घूघट मुख मूढ़ह अबला नारि ।

चन्द्र सरग पर सोहत इहि अनुहारि ॥

तृतीय प्रतीप ।

वर्न वस्तु वर्न हो अबर्न को अनादरै सो ती-  
सरो प्रतीप कवि दूलह गनायो है ।

यथा ।

कुलिशह चाहि कठोरता कोमल कुसुमह चाहि  
चित खगेस रघुनाथ कर बूझ परै कह चाहि ॥

चतुर्थप्रतीप ।

ललितलल्लाम लछन जहाँ वरन सो और  
की उपमा वरनन होय ताहू कहत प्रतीप हैं ।

यथा ।

सौयवदन सम हिमकर नाहीं ।

पंचमप्रतीप यथा ।

कोटि कास उपमा लघु सौज ।

अथ रूपक ।

वरनत विषई विषै को करि अभिन्न तद्रूप ।

अधिक हीन सम उक्ति सो रूपक त्रिविध अनूप

अधिक तद्रूप यथा ।

हरिहरकथा विराजत वेनी ।

सुनत सकलसुदमंगल देनौ ॥

न्यून यथा वरवां ।

द्वौ भुज कर हरि रघुवर सुन्दर भेस ।

एक जीभ कर लछमन हस रसेस ॥

सम यथा ।

केहरिसावक जनम न वन के ।

अधिक अभेद ।

गुरुपदरज मृदु मंजुल अंजन ।

न्यून ।

अति खलु जे विषई बक कागां ।

समयथा ।

संपति चकारै भरत चक मुनि आयसु खलुवार ।

तेहि निस आश्रम पीजरा राखे भां भिनुसार ॥

अथ परिनाम ।

विषई विषै हो फुरै जानो परिनाम ।

कर कमलन धनुसायक फेरत ।

जिय की जेरन हरत हँस हेरत ॥

उल्लेख लक्षण ।

ललित ललासं को बहुते को एक जहँ एक  
हिए उल्लेख ।

प्रथमं यथा ।

‘देखहि भूप महारनधीरां ।’ ते इहि विधि  
रहा जाहि जस भाज इहाँ लौं ।

द्वितीय यथा ।

राम कांस सत कोटि ते ससि सत कोटि  
लौं, अथ सुमिरन भ्रमसंदेह के नामही लक्षण है ।

सुमिरन यथा ।

बीच वास करि जमूनहि आये ॥

निरखि नीर लोचनजल छाये ॥

कपि करि हृदय विचार, दीन्ह मुद्रिका डार तव  
जान अशोक अंगार, दीन हर्ष उठि कर लियो ॥

भ्रम संदेह ।

राम लखन सखि होहि कि नाहीं ।

शुद्धापन्तुति लक्षण ।

और के आरोप ते साँच कृपावत धर्म सुद्धा-  
पन्तुति कहत हैं ।

यथा ।

बन्धु न होय मोर यह काला ।

हेत्वपन्तुति लक्षण ।

जुगति सो यहै हेत्वपन्तुति ।

यथा ।

“तव प्रताप बड़वानल” ते “भरो बहोरि  
भयो तेहि खारा” लौं ।

वरवा ।

कुहू न निसि अंधियरिया दिन नहिँ घाम ।

जगत जरत अस लागत मोहि बिनु राम ॥

परयस्ताजपद्भुति लक्षण ।

परयस्तापद्भुति बखानै आन में जो आन ।

यथा ।

मीन में नहिँ प्रीति सजब्दी पंका में नहिँ प्रेम ॥

एक सति गति एक व्रत यह भरतहौ में लेस ॥

अथ आंतापद्भुति

आन के भय ते अस अस को निवारै तहाँ  
आन्तापद्भुति बखानै कवि आदरे ।

यथा ।

होहि न तड़ित न बारिद माला । ते सन्दो-  
दरी श्रवण ताटंका । सो प्रभु जनु दामिनी लों।

अथ छेकापद्भुति ।

जुक्ति करै जहँ पर सों बात दुराय ।

यथा ।

कल्लु न परीच्छा लीन गुसाई' ।

कौन्ह प्रनाम तुम्हारे नाई' ॥

अथ कैतवापद्भुतिलक्षण ।

कैतवापद्भुति में मिस कहै आन । पठै मोहि  
मिस खगपति तोही । रघुपति दीन बड़ाई मोही

अथ उत्प्रेक्षा लक्षण ।

उत्प्रेक्षा सम्भावना वस्तु हेतु फल लेखि ।

वस्तु द्विविध उक्तास्पपद अनुक्तास्पपद पेखि ॥

हेतु सुफल सिद्धास्पपद असिद्धास्पपद मान ।

वाचक जहाँ न कहत है गस्योत्प्रेक्षा जान ॥

जाकी सम्भावना कीजै सो सम्भाव्यमान उपमान, अरु जा विषै सम्भावना कीजै सो आस्पपद उपमेय, संभाव वाकी विषय संभाव्य मान धरम संभावना की ठौर दोड़ रहै सो उक्तास्पपद वस्तुत्प्रेक्षा

यथा ।

करत वतकही अनुज सन सन सिय रूप लुभान

मुख सरोज मकरन्द छवि करत मधुप डूव पान

मुख उपमेय, सरोज उपमान, छवि विषय

मकरन्द, विषय दोड़ पाये याते उक्ति विषया,

अनुक्ति विषया वस्तुत्प्रेक्षा ।

जहाँ संभाव्यमान रहै संभावना की विषय नाहीं रहै अरु क्रिया के पाछे वाचक आवै सो अनुक्तास्पपदवस्तुत्प्रेक्षा ।

यथा ।

‘भयह मनहु मारुत अनुकूला ।’ तो इहाँ  
हीना क्रिया ताके आगे वाचना है, अरु जहाँ  
अहेतु को हेतु माने सो हेतुत्प्रेक्षा, सो सिद्ध  
विषय में होय तो सिद्धविषया, अरु असिद्ध वि-  
षय में होय तो असिद्धविषया ।

सिद्धविषया हेतुत्प्रेक्षा यथा ।

मनहु प्रेस बस विनती करहीं ।

हमहि सीय-पद जिन परिहरहीं ॥

तो इहाँ विनय हेतु नाहीं ताको हेतु माने  
अरु विषय सिद्ध है ।

अथ असिद्धविषया हेतुत्प्रेक्षा यथा ।

‘इन्हिं बिलोकत अति अनुरागा’ । ते तेहि  
दूरषा वह आन दुराये लीं, तो यह अहेतु है  
ताको हेतु माने अरु विषय असिद्ध है अरु अ-  
फल को फल माने सो फल उत्प्रेक्षा ।

सिद्ध विषयाफलोत्प्रेक्षा यथा ।

अति कटुवचन कहत कैंकेई ।

मानहु नान जरे पर देई ॥

प्रसिद्धविषयाफलोन्नेच्छा यथा ।

जनु सक साँचे हीन हित भये सगुन डूक वार ।

साँचे हीने की डूच्छा फल ।

अथ रूपकान्तिशयोक्ति अलंकार लक्षण ।

रूपकअतिशयउक्ति जहँ केवलही उपमान ।

यथा ।

अरुन पराग जलज भरि नौके ।

ससिहि भूष अहि लोभ असौ के ॥

तो डूहँ कर नाहीं कमल मात्र पायो याही  
रीति ते मुख नाहीं ससि पायो ।

अथ भेदकातिशयोक्ति लक्षण ।

औरै पद ते हीत है भेदकातिसय उक्ति ।

यथा ।

औरैहसनिबिलोकनिचितवनि औरै बचनउद्धार  
तुलसी ग्रामवधू कित देख न रहे संभार ॥

अथ सम्बन्धातिशयोक्ति ।

सम्बन्धातिशयोक्ति जहँ देत अजागहिँ जाग ।

यथा ।

जो सम्पदा नीचगृह सोहा ।

सो बिलोकि सुरनायक मोहा ॥



अजोग जोग कीना द्वितीय जोग में अजोग भेद दूसरो गनायो है ।

यथा ।

जन्म सिंधु पुनि बंधु विष दिनमलीन सकलंक ।  
सियमुख पटतर पाव किमि चन्द वापुरा रंक ॥  
चन्द जोग ते अजोग कीना ।

अथ अकृमातिशयोक्ति यथा ।

गहि करतल मुनि पुलक सहित कौतुक सु  
उठाय दियो । आकर्ष्यी सियमन समेत हरि  
हर खोजन कहियो ॥ इहाँ धनु आकर्षण कारन  
सिय मन कारज सो साथ भयो ।

अथ चपलातिशयोक्ति लच्छन ।

है चपलातिशयोक्ति जब कारन सुनते काज ।

यथा ।

तब शिव तीसर नयन उघारा ।

चितवत काम भयो जरि हारा ॥

इहाँ सुनना देखना बराबर है चितवन का-  
रन कामजरन कारज ।

अथ अत्यन्तातिशयोक्ति लक्षण ।

पूरव कारज होत है पाछे कारन जान ।  
अत्यन्तातिशयोक्ति तहँ कविवर करत बखान ॥  
यथा ।

पद पखारि जल पान करि आप सहित परिवार  
पितर पार करि प्रभुहिँ पुनि मुदित गयो लै पार  
झुँहाँ राम पार जाइबो कारन, पितर पार  
करनो कारज, सो कारज प्रथम है अरु याको  
कोई अभावहेतु भी कहत है ।

अथ तुल्ययोगिता लक्षण ।

तुल्ययोगिता तीन बिधि लक्षण नाम प्रधान ।  
कहूँ वन वन की, कहूँ अवन अवन की, कहूँ  
वन अवन की ।

वन वन यथा ।

गुरु रघुपति सब मुनि मन माहीं ।  
मुदित भए पुनि पुनि पुलकाहीं ॥  
झुँहाँ सब वन हैं ।

अवन अवन यथा ।

कमल कोक मधुकर खग नाना ।  
हरषे सकल निसा अवसाना ॥

दूहाँ कसल कोकादि अवन हैं ।

वर्न अवन यथा बरवा ।

नित्य निस करि अरुन उदै जब कीन ।

निरखि निसाकर नृप मुखभये मलीन ॥

नृप वर्न निसाकार अवन की तुल्यजिग्यता है ।

अथ दीपक लच्छन ।

सो दीपक निजगनन ते वर्न दूतर दूका भाय ।

यथा ।

कसे कनक मनि पारष पाये ।

पुरुष परखिये समै सुहाये ॥

दूहाँ कनक मनि अवन, पुरुष वर्न ताको  
कसन पारष पाउने अरु पुरुष उपमेय सस याते  
पर सोभा पावत अरु कोई कहै तुल्यजिग्यता  
दीपक से कहा भेद? ।

दोहा ।

एक एक से धरम ते तुल्यजिग्यता होय ।

वर्न अवनहि ते काहे दीपक सब कवि लोय ॥

अथ दीपकावृत ।

दीपका आवृत तीन हैं पद आवृत कहूँ अर्थ ।  
पद अरु अर्थ दुहून ते भाषत सुकवि सस्य ॥

पदं जथा ।

‘सर्वं सर्वं गति सर्वं सुरालय’ इहाँ राम उप-  
मेय द्वितीय रूप उपमान ताको एक धर्म याते  
दीपका औं सर्वं सर्वं तीन बार आयो याते पद  
की आवृति ।

अर्थावृति ।

‘कूजहि कोकिल गुंजहि भृङ्गा ।’ कूजहि  
गुंजहि शब्द भिन्न पद एकं है याते अर्थावृति ।

तृतीय यथा ।

पुरी विराजत राजत रजनी ।

रानी काहहि विलोकहु सजनी ।

अथ प्रतिवस्तूपमा ।

प्रतिवस्तूपम कहत हैं समुभि दुवाक्य समान ।

यथा ।

भलो भलाई लेत है लहै निचाई नीच ।

सुधा सराही अमरता गरल सराही मीच ॥

दूहँ भले बुरे उपमेय अरु सधा गरल उप-  
मान ते भलाई उपमेय अमरता उपमान कर  
एक भये अरु दीपकदीपकावृत्ति प्रतिवस्तूपमा  
में भेद, दीपक में दूक धर्म नाहीं दीपकावृत्त में  
नैस नाहीं प्रतिवस्तूपमा में दोइ है ।

अथ दृष्टान्त लच्छन ।

जहाँ विस्व प्रतिविस्व सो दुहू वाक्य दृष्टान्त ।

यथा ।

बडे सनेह लघुन पर करहीं ।

अग्निभूमि गिरि सिर तन धरहीं ॥

दूहँ बडे लघु गिरि तन अग्निधूम को विस्व  
प्रतिविस्व भाव है ।

अथ निदर्सना ।

जहँ उपमेय सुवाक्य में उपमा वाक्य सजोग ।

औ सो करत निदर्सना कहत सबै कवि लोग ॥

यथा ।

सुनु खगेस हरिभक्ति विहाई ।

जो सुख चाहै आन उपाई ॥

सो सठ महासिंधु विन तरनी ।

पैर पार चाहत जड़ करनी ॥

तो इहाँ जो सुख चाहै है हरिभक्ति हीन सो  
समुद्र पैरो चाहत यह जो सो को सम्बन्ध है ।

अथ दूसरो भेट लच्छन ।

रखै जहाँ उपमेय में उपमा धर्म सुजान ।

यथा ।

रघुपतिविरह विषमसर भारी ।

तकि तकि बार बार मोहि मारी ॥

इहाँ विरह उपमेय विषमसर काम ताकी  
मारन तकि तकि क्रिया धरन कीनी ।

तृतीय लच्छन ।

जहाँ असत सत करि क्रिया करै आन उपदेश ।

यथा ।

संग लाय करनी कर लेहीं ।

मानहु मोहि सिखावन देहीं ॥

अथ व्यतिरेक लच्छन ।

व्यतिरेकहि उपमान ते उपमे अधिका लेखि ।

यथा ।

निज परिताप द्रवहिँ नवनीता ।

परदुख द्रवहिँ सुसन्त पुनीता ॥

दूहँ नवनीत उपमान ते सन्त उपसेय अधिक ।

अथ सहोक्ति लक्षण ।

सो सहोक्ति दूक साथहीं बरने दुहुन बनाय ।

यथा ।

बल प्रताप बीरता बडाई ।

नाक पिनाकहि संग सिधाई ॥

दूहँ नाक पिनाक संग ।

अथ विनोक्ति ।

है विनोक्ति है भाँति की प्रस्तुत कछु विन छीन ।

अरु सोभा अधिकी लहै प्रस्तुत कछु ते हीन ॥

प्रथम ।

‘बाद बसन विनु भूषन भारू’ते ‘विनु हरि भक्ति जाइ जप जोगा’ लीं ।

द्वितीय ।

सन्तहृदय जस गतमदमोहा ।

अथ समासोक्ति लक्षण ।

समासोक्ति प्रस्तुत पुरै प्रस्तुत बरनन माँझ ।

जहाँ अप्रस्तुत फुरै प्रस्तुत वरनन करै तै तहाँ  
समासोक्ति ।

यथा ।

अरुन उदै अवलोकहु ताता ।

पंकज लोक कोकसुखदाता ॥

इहाँ अरुन उदै पंकज कोक प्रस्तुत अरु आ-  
पनो वियोग अप्रस्तुत ताको वृत्तान्त जानो गयो।

अथ परिकर लक्षण ।

हे परिकर आश्रय लिये जहाँ विशेषन होय ।

यथा ।

सुभगश्रवण सरसीरुहलोचन ।

वदनमयङ्क तापत्रयमोचन ॥

इहाँ सयंक तापमोचन है ।

अथ परिकरांकुर लक्षण ।

साभिप्राय विशेष जहाँ परिकरअंकुर नाम ।

यथा ।

सुनहु विनय मम बिटप असोका ।

इहाँ असोक अभिप्राय सहित है तुम सोक  
रहित हौ तैसही हमार सोक हरौ ।



श्लेष ।

श्लेष अलंकृत अर्थ वह एक शब्द से होय ।

यथा ।

‘भरत भुआल होंहि यह साँची’ । भुआल  
राजा अरु भू पृथ्वी तासे घर ।

अथ अप्रस्तुतप्रशंसा ।

अप्रस्तुत के कथन ते है प्रस्तुत को बोध ।

अप्रस्तुत परसंस सो कहत सबै कवि सोध ॥

यथा ।

कुपय सांगु रुज व्याकुल रोगी ।

वैद न देय सुनहु मुनि योगी ॥

इहाँ वैद रोग अप्रस्तुत ताते तुहार विवाह  
हम न करन दे है यह प्रस्तुत ।

अथ परजायउक्ति लक्षण ।

परजायोक्ति प्रकार है कछु रचना सों बात ।

सिसकरिआरज साधिये जो हित चितहि सोहात

प्रथम ।

धरी न काहू धीर, सब कर मन मनसिज हस्यो

जेहि राखे रघुबीर तेहि उबरे तेहि काल में ॥

इहाँ रघुवंश विषै वीर ते अति वीरता सू-  
चित भई ।

द्वितीय ।

गङ्ग निम्नि बहत सैन अब कीजै ।

सोहि तोहि भेंट भूप दिन तीजे ॥

इहाँ छल ते कारज कीनो ।

व्याजस्तुति ।

व्याजस्तुति निन्दा मिसहिँ जबै बड़ाई होय ।

यथा ।

‘अहो मनीस महाभट मानी’ । मुनि की  
बड़ाई से निन्दा ।

अथ आच्छेप ।

तीनि भाँति आच्छेप है एक निषेधाभास ।

पहिले कहिये आप कछु बहुरि फेरिये तासु ॥

दुरै निषेध जो विधिवचन लक्षण तीनो लेष ।

प्रथम ।

भरतविनय सादर सुनिय करिय विचार बहोरि।

करव साधुमत लोकमत नृपनय निगम निचोरि

इहाँ भरतवचन सुनिय पुनि आपहू अपनी  
बाबा बात को निषेध को निषेध सरस करै लगै

द्वितीय ।

सानुज पठद्वय सोहि वन कीजिय सवहिँ सनाय  
न तरु फेरिये बन्धु दोउ नाथ चलीं मैं साथ ॥

इहाँ आप प्रथम कही सोहि अनुज सहित  
वन से पठाद्वये ताको फेरि रोक्यो मैं साथ चलीं।

तृतीय ।

राज दिन कहि दौन वन सोहि न सोच लवलेस।  
तुम बिनु भूपति भरतही प्रजहि प्रचण्ड कलेस॥

पुनः ।

हृदय सनाव और जिनि होई ।

रामहिँ जान कहै जिन कोई ॥

सुनहु राम तुम काहँ सुनि कहहीं ।

राम चराचर नायक अहहीं ॥

अथ विरोधाभास ।

‘भासै जबै विरोध सीं वहै विरोधाभास ।’

‘भये अलेष सोच बस लेखा’ इहाँ अलेषा लेष  
विरोध सी जानो जाय है ।

अथ विभावनां लक्षण ।

हेतु बिन कारण की उपज विभावना है ।

यथा ।

विनु पद चलै सुनै विनु काना । ते

विनु वानी वक्ता वडु योगी । लीं

द्वितीय ।

हेतु अपूरन ते जबै कारज पूरन होय ।

यथा ।

काम कुसुम धनुसायका लीन्हे ।

सकल भुञ्जन अपने बस कीन्हे ॥

तृतीय ।

प्रतिबन्धक के होतहीं कारज पूरन मान ।

यथा ।

जो ज्ञानिन लै चित अपहरई ।

वरिचार्डू विभीह बस करई ॥

दुहाँ ज्ञान प्रतिबन्धक है ।

चतुर्थ ।

जबै अकारन वस्तु ते कारज परगट होय ।

यथा ।

बोरहि आनहि बूडहि जेही ।

भएऊ बल वोहित सम तेही ॥

इहाँ पाषाण ते काष्ठ को कारज उपज्यो ।

पंचम ।

काष्ठ कारज ते जबै कारज होय बिरुद्ध ।

यथा ।

जेहि तरु रहत कारत सो पीरा ।

उरग खांस सस त्रिविधि समीरा ॥

इहाँ सीतल ते तप्तता उपजी ।

षष्ठ ।

काष्ठ कारज ते जबै उपजै कारज रूप ।

यथा ।

जगत पिता मै सुत करि जाना ।

अथ विशेषोक्ति लक्षण ।

विशेषोक्ति जो हेतु सों कारज उपजै नाहिं ।

यथा ।

सकेउ उठाय असुर सुमेरु ।

सो हिय हार गयो करि फेरु ॥

इहाँ कारज रही अरु धनुभंग कारज नाहीं भयो

अथ असंभवलक्षण ।

कहे असंभव हेतु जहाँ बिनु सम्भावन काज ।

यथा ।

अति सुकुमार जुगुल मम वारे ।  
निसिचर सुभट महाबल भारे ॥

अथ संगति ।

तीन असंगति काज अरु कारन न्यारे ठाम ।  
और ठौरहीं कीजिये और ठौर को काम ॥  
और काज आरम्भिये और कीजिये दौर ।

प्रथम यथा ।

जिन बीथिन विहरे सब भाई ।  
यकित होंहिँ पुर लोग लुगाई ॥  
इहाँ राम विहरे कारन, यकित लोग लु-  
गाई कारज ।

द्वितीय ।

ते पितु मातु सखी कहु कैसे ।  
जिन पठये सखि बालक ऐसे ॥  
इहाँ मातु पिता बन दियो ।

तृतीय ।

राज देन कह सुभ दिन साधा ।  
कछो जान बन केहि अपराधा ॥

दूहँ राज आरक्ष करि वन दियो ।

अथ विषम लक्षण ।

विषम अलंकृत तीन विधि अनसिलिते को संग

कारन को रँग और ककु कारज और रंग ॥

और भलो उद्यम किये होइ बुरो फल आय ।

प्रथम यथा ।

सारग अगम भूमिधर भारी ।

तेहि सहँ नाथ नारि सुकुमारी ॥

दूहँ राह अगम तुम सुकुमार ।

द्वितीय ।

‘उपजे यदपि पुलस्तकुलपावन’ असल अ-  
नूप ‘तदपि महीसुर आपवस भए सकल अध  
रूप’ पुलस्तकुल असल कारन; रावनादि अध  
स्याम रूप ।

तृतीय ।

‘सानी सरलरस मातुबानी सुनि भरत  
व्याकुल भए’ ।

सम लक्षण ।

अलंकार सम तीनि विधि यथायोग को संग ।

कारज से सब पाइये कारनही को रंग ॥

श्रम विनु कारज सिद्धि जो उद्यम करते होय ।

प्रथम ।

जस दूलह तस वनी वराता ।

कौतुक विविधि होइ संग जाता ।

द्वितीय ।

वास न कहहु अस रघुकुलकेतू ।

तुम पालक सन्तत श्रुतिसेतू ॥

तृतीय ।

सेतुवन्ध भइ भीर अति कपि नभपत्य उड़ाहिं ॥

अपर जलचरन्ह उपर चढ़ि विनुश्रम पारहि जाहिं ॥

अथ विचित्र ।

दूष्कृत फल विपरीत को कौजे जतन विचित्र ।

यथा ।

जो नहिं होत मोहि अति मोही ।

मिलतेउँ नाथ कवन विधि तोही ॥

अधिक लक्षण ।

अधिक दीर्घ आधार ते जब आधेय जु होय ।

जो आधार अधेय ते अधिक अधिक ए द्योय ॥



प्रथम यथा ।

बहुत उच्छाह भवन अति थोरा ।

मानहु उमगि चल्यो चहुँ ओरा ॥

भवन अधार उच्छाह आधिय सो उमगि चल्यो ।

द्वितीय ।

सकल भुवन भरि रहा उच्छाह ।

जनकसुता रघुवीर विवाह ॥

इहाँ भुवन आधिय अधिक ।

अथ अल्प ।

अल्प अल्प आधिय ते सूक्ष्म होय अधार ।

यथा बरवा ।

अब जीवन की हे कपि आस न सोहिँ ।

कनगुरिआ की मुँदरी ककना होहिँ ॥

अथ अन्धोन्धा लच्छन ।

अन्धोन्धा दोऊ जहां आपुस में उपकार ।

मुनि रघुवीर परस्पर नवहीं ॥

अथ विशेष ।

तीन प्रकार विसिष है अनाधार आधिय ।

बड़ी बात की सिद्धि को कछु अरम्भ जो देय ॥

वस्तु एक को कीजिये वरनन ठौर अनेक ।

प्रथम ।

तत्व प्रेम कर मंसं अरु तोरा ।

जानत प्रिया एक मन भोरा ॥

दूहँ प्रेम अनादर है ।

द्वितीय ।

कपि तव दरस सकल दुख बीते ।

मिले आज मोहिँ राम सप्रीते ॥

दूहँ कपिदरस ते रामदरस पाये ।

तृतीय यथा ।

निज प्रभुमय देखौं जगत कासो करों विरोध ।

दूहँ एक राम अनेक ठौर ।

अथ व्याघात ।

व्याघात जु कछु और ते' कीजे कारज और ।

बहुरि विरोधी ते जहँ ल्यावै कारज ठौर ॥

प्रथम यथा ।

नामप्रभाव जान सिव नौके ।

काल कूट फल दीन अमी के ॥

द्वितीय ।

ऐसे बचन कठोर सुनि जो न हृदय विलगान ।  
तो पुनि विषम वियोग दुख सहिहैं पासर प्रान ॥  
झूँहाँ जीवन बताय सरन दृढ़ कीन्हे ।

अथ कारनमाला ।

कारन काज परंपरा कारनमाला देखि ।

यथा ।

धर्म ते विरति जोग ते ज्ञाना ।

ज्ञानमोक्षप्रद वेद बखाना ॥

झूँहाँ जोग कारन, ज्ञान कारज, ज्ञान कारन  
मोक्ष कारज ।

अथ एकावली

गहत मुक्त की रीति तें एकावलि पहिचानि ।

यथा ।

विषय करन सुर जीव समेता ।

सकल एक ते एक सचेता ॥

अथ मालादीपक ।

दीपक एकावलि मिले माला दीपक होत ।

यथा ।

जग जप राम राम जप जेही ।

अथ सार लक्षण ।

एक एक ते अधिक बखानो ।

सार अलंकृत सोई मानो ॥

यथा ।

तिन सहँ द्विज द्विज सहँ श्रुतिधारी ।

तिन सहँ निगम नीति अनुसारी ॥

यथासंख्य ।

यथासंख्य वरनन विषै वस्तु अनुक्रम संग ।

यथा ।

वन्दौं राम नाम रघुवर को ।

हेतु क्लसान भानु हिमकर को ॥

अथ परजाय ।

है परजाय अनेक को क्रम सो आश्रय एक ।

फिरि क्रम सो जब एक वह आश्रय धरै अनेक ॥

प्रथम यथा ।

दिखरावा माताहि मुख अद्भुत रूप अखण्ड ।

रोम रोम प्रति राजहीं कोटि कोटि ब्रह्मण्ड ॥

द्वितीय ।

सती विधात्री इन्दिरा देखी अमित अनूप ।  
जहिजेहिभेषअजादिसुर तेहितेहि सति अनुरूप  
अथ परिसंख्या लक्षण ।

परिसंख्या दूक थल बरजि दूजे थल ठहराय ।

यथा ।

दृष्ट जतिन कर भेद जहँ नृत्यक नृत्य समाज ॥  
जीयो मनसिज सुनिय अस रामचन्द्र के राज ॥  
विकल्प ।

है विकल्प यह कौ वहे इहि विधि को वृत्तान्त ।  
यथा ।

कौ तन प्राण कि केवल प्राणा ।

विधि करतव कछु जात न जाना ॥

तिलक ।

उपमानोपमेय से सन्देह अरु भूत वर्तमान  
से उपमान उपमेय रहित, भविष्य से विकल्प  
यह भेद ।

अथ समुच्चय ।

दाय समुच्चय भाव बहु कहुँ दूक उपजे संग ।

एक वाज चाही करन ह्वै अनेक दूक अंग ॥

प्रथम ।

“सकुच स्तीय” ते “सुमिरि पिता पन मन  
अति क्रोभा” लों ।

द्वितीय ।

देखि राम पदकमल तिहारे ।

अव पूजे सब काज हमारे ॥

इहाँ एक रामपद कमल ते अनेक काज भए ।

अथ कारकदीपक लक्षण ।

कारक दीपक एक से क्रम सों भाव अनेक ।

यथा ।

लेत चढ़ावत खँचत गाढे ।

अथ समाध लक्षण ।

सो समाध कारज सुगम और हेतु मिलि होता

यथा ।

सकल अमानुष करम तुम्हारे ।

केवल कुलगुरुकृपा सुधारे ॥

इहाँ कुलगुरुकृपा पाय कारज भयो ।

अथ प्रत्यनीक लक्षण ।

प्रत्यनीक जो शत्रु की पक्ष देखि कर कोप ।

यथा ।

रे खलु का मारसि कपि भालू ।

मोहिँ विलोक तौर सैं कालू ॥

ब्रह्मा राम पक्ष बानर पै क्राप रावन कीन्हे ।

अथ काव्यार्थापत्ति लक्षण ।

काव्यार्थापत्ति यह कियो तेहि को यह कह जान ।

यथा ।

पिय तेहि तैं जीतब संग्रामा ।

जासु दूत कर ऐसन कामा ॥

ब्रह्मा जाके दूत लंका जारी ताकी तुम कहा ।

अथ काव्यलिङ्ग ।

काव्य लिङ्ग जहँ युक्ति सों अर्थ समर्थन होय ।

यथा ।

सो नर कास दशकंध बालि बध्या जेहिँ एक सर ।

बीसहु लोचन अंध धिक तब जन्म कुजाति जड़ ॥

अथ अर्थान्तरन्यास लक्षण ।

जो विशेष सामान्य दृढ़ तौ अर्थान्तरन्यास ।

यथा ।

राम एक तापस तिय तारी ।

रामप्रसाद सोच नहिँ सपने । इहाँ लीं । ॥

विकस्वर लक्षण ।

विकस्वर होय विशेष जहँ फिरि सामान्य विशेष ।

यथा ।

रघुवीर निज सुख जासु गुनगन कहत अग  
जगनाथ सो । काहे न होहु विनीत परम पु-  
नीत सद्गुन सिन्धु सो ॥

अथ प्रौढोक्ति लक्षण ।

प्रौढोक्ति उत्कर्ष कीं हेतु धरै जु अहेतु ।

यथा ।

काम कलभ कर भुजबल सीवाँ ।

अथ सम्भावना लक्षण ।

ज्यों यों त्यों यों होय तौ सम्भावना विचार ।

यथा ।

जो तुम होते मुनि की नाँई ।

जो पदरज सिर धरत गोसाँई ॥

अथ मिथ्याध्यवसित लक्षण ।

मिथ्याध्यवसित भूठी कहै जु भूठी रीत ते ।



यथा ।

कमठ पीठ जामहिँ बरु बारा ।

बंध्यासुत बरु काह्ल सारा ॥

अथ ललित लक्षण ।

ललित कही ककु चाहिये ताही को प्रतिबिंब ।

यथा ।

सुनिय सुधा देखिय गरल सब करतूत कराल ।

जहँतहँ काक उलूक पिक मानस सकृत सराल ॥

इहाँ रामराज अभिषेक सुनन मात्र देखिबे  
सों बन आयो सो न कहे सुधा गरल काक  
उलूक सराल कहे प्रतिबिम्ब ।

प्रहर्षन लक्षण ।

तीन प्रहर्षन जतन बिनु बाँछित फल जहँ जान

बाँछितहुँ ते अधिकता टूजो करत बखान ॥

सोधत जाके जतन को बस्तु चढ़ै कर सोय ।

प्रथम यथा ।

साचत पंथ रछ्यों दिन राती ।

अब प्रभु देखि जुड़ानी छाती ॥

इहाँ बाँछितरही ।

द्वितीय यथा ।

सुनत वचन विसरे सब दूखा ।  
 तृषावन्त जिमि पाय प्रियूखा ॥

तृतीय यथा ।

ब्रुहि विधि मन विचार कर राजा ।  
 आप गये कपि सहित समाजा ॥

अथ विषाद ।

सो विषाद चितचाह ते उलटै जो कछु होय ।  
 यथा ।

“तात जाउ” बलि बेग नहाहूँ” ते “सर  
 सम लगे” लों । अरु जो आन उपमादिक सब  
 विषाद कों पासन करेहैं ॥

अथ उल्लास ।

गुन औगुन जब और को और धरै उल्लास ।

गुन ते गुन यथा ।

जो हरषहिँ पर सम्प्रति देखी ।

दोष ते दोष यथा ।

दुखित होंहिँ पर विपत्ति विसिषी ।

गुन ते दोष यथा ।

जरहिँ सदा पर सम्प्रति देखी ।

अथ लेश लक्षण ।

गुन में दोष रू दोष में गुन कल्पना सो लेश ।

यथा ।

जो नहि होत सोह अति सोहीं ।

मिलतेउँ तात कवन बिधि तोहीं ।

गुन में दोष यथा ।

सोहि दीन सुख सुजसु सुराजू ।

कौन्ह कौकई सब कर काजू ॥

अथ सुद्रा लक्षण ।

सुद्रा प्रस्तुत पद बिषेः औरै अर्थ प्रकास ।

यथा ।

सहस्रनाम मुनि भनित सुनि तुलसी बल्लभ नाम ।

सकुचितहियहाँसिनिरषिसियधरसधुरम्बरराम ॥

द्वहां तुलसीदास के बल्लभ, अरु ब्रुन्दा के बल्लभ ।

अथ रत्नावली लक्षण ।

रत्नावलि प्रस्तुत अरथ क्रम ते औरै नाम ।

यथा ।

सदा नगन पद प्रीति जेहि जानो नगन समान ।

जगन ताहि जययुत रहत तुलसी संसय हान ॥

नगन भरत जगन अराम निकसो ।

अथ तद्गुन लक्षण ।

तद्गुन तजि गुन आपनो सङ्गति को गुन लेखि ।

यथा ।

धूमहु तजै सहज करुआई ।

अगरप्रसङ्ग सुगम्य बसाई ॥

अथ पूर्वरूप लक्षण ।

पूर्वरूप लै संग गुन तजि फिरि अपनो लिय ।

दूजो जो गुन ना मिटै किये मिटन को भेय ॥

प्रथम यथा ।

कर सुवेष जगवञ्चक जोऊ ।

वेषप्रताप पूजियत सोऊ ॥

उघरहिँ अन्त न होहिँ निवाहू ।

कालनेमि जिमि रावन राहू ॥

द्वितीय यथा ।

कामचरित नारद सब भाषि ।

जद्यपि बरजि प्रथम शिव राखि ॥

अथ अतद्गुन लक्षण ।

लागत सङ्गत गुन नहीं कहै अतद्गुन ताहि ।

यथा ।

खलहु करहि भल पाहु सुसंगू ।

मिटहि न मलिन सुभाव अभंगू ॥

अथ अनगुन लक्षण ।

अनगुन सङ्गति तें जबै पूरव गुन सरसाय ।

यथा ।

सज्जनफल देखिय ततकाला ।

काक हींहि पिक बरहु सराला ॥

मीलित लक्षण ।

मीलित जो सादृश्य तें भेद जबै न लखाय ।

यथा ।

तव सुर जिते एक दसकम्बर ।

अब बहु भये तकहु गिरिकन्दर ॥

अथ सामान्या लक्षण ।

सामान्य जु सादृश्य तें जानि परै न विशेष ।

यथा ।

राम लखन सखि हींहि कि नाहीं ।

उन्मीलित लक्षण ।

उन्मीलित सादृश्य तें भेद फुरै तव मान ।

यथा वर्णन ।

चस्पक हरवा अङ्ग मिलि अधिक सुहाय ।

जानि परै सिध हियरे जब कुँभिलाय ॥

अथ विशेष लक्षण ।

यहै विशेष विशेष पुनि पुरै जु सप्तता साँझ ।

यथा ।

वेषन सो सखि तिय नहि संग ।

आगे अनी चलत चतुरंगा ॥

अथ गूढोत्तर ।

गूढोत्तर ककु भाव ते उत्तर दीनो होय ।

यथा ।

जिन जल्पना करु सुजस नास ते ।

“बुका करत कहत” न, “बागहीं” लीं ॥

अथ प्रश्नोत्तर लक्षण ।

चित्र प्रश्न उत्तर दुओ एक शब्द में होय ।

यथा ।

मृत्यु निकट आई खल तोहीं, तेते उलटा हींहि लीं ।

अथ सूक्ष्म लक्षण ।

सूक्ष्म पर-आसै लखै करै क्रिया ककु भाय ।

यथा

वेद नाम कहि अँगुरिन खण्ड अकास ।

सूपनखा प्रभु पठई लछिमन पास ॥

अथ पिहित लक्षण ।

पिहित छिपी पर बात को जान जनावै भाय ।

यथा ।

“सती कपट जाना सुर ल्हासी” ते ।

“बिपिन अकेलि” लीं ।

अथ व्याजोक्ति ।

व्याज उक्ति कछु और विधि कहै दुरै आकार ।

यथा ।

नाम प्रताप भानुअवनीसा ।

तासु सचिव में सुनहु महीसा ॥

अथ गूढोक्ति लक्षण ।

गूढोक्ति मिस और के कीजे पर उपदेश ।

यथा ।

“सौ रज धीर जाहि रथ चाका” ते ।

“जाके अस रथ हीय” लीं ।

अथ विव्रोक्ति लक्षण ।

श्लेष छप्यो परगट करै विव्रोक्ति है ऐन ।

यथा ।

वेग विलखन करिय नृप साजिय सबै समाज ।  
सुदिन सुमङ्गल तवहिँ जब राम होंहि युवराज ॥

अथ युक्ति लक्षण ।

यहै युक्ति कीन्हें क्रिया कर्म छपायो जाय ।

यथा ।

गये जामजुग भूपति आये ।

घर घर बाज अनंद वधाये ॥

तो इहां जो राजा को निसा में निसाचर  
रानी की सेज पर राख्यो सो कर्म कानन जाय  
छपायो ।

अथ लोकोक्ति लक्षण ।

लोकोक्ति ककु वचन जो लीने लोकप्रवाद ।

यथा ।

देव कहा हम तुमहि गोसाँई । ✓

ईधन पात किरातमिताई ॥

अथ छेकोक्ति ।

लोकोक्ति ककु भेद सों सो छेकोक्ति प्रवीन ।



यथा ।

सत्य सराहि कच्छो वर देना ।

मानहुं साँगि कि लेहि चबेना ॥

दूहां चबेना लोकोक्ति अरु राज न देहौ ।

अथ वक्रोक्ति लक्षण ।

वक्रोक्तिश्लेष सों अर्थ फिरै तब होय ।

यथा ।

धर्मसीलता तब जग जागी ।

यावा दरस हमहु बड़भागी ॥

एक अर्थ हम बड़े भाग्यवान दूसरो हमार  
भाग बड़ी घटो, जैसे दिया बढ़ाय देव सो घ-  
टिबे को अर्थ ।

अथ स्वभावोक्ति ।

सुभावोक्ति जहँ जानिये बरनी जाय सुभाय ।

यथा ।

राम सुभाव चले गुरु पाहीं ।

सियसनेह बरनत मनमाहीं ॥

अथ भाविक लक्षण ।

भाविक भूत भविष्य जो परतक कहत बनाय ।

यथा ।

खोजत रक्षों तोहि सुतघाती ।  
आजु निपाति जुड़ावीं छाती ॥

अथ उदात्त ।

सो उदात्त जहँ वरनिये सम्पति को अधिकार ।

यथा ।

जेहि तिरहुत तेहि समय निहारी ।  
तेहि लघु लाग भुवन दसचारी ॥

अथ अत्युक्ति ।

अद्भुत भूठी वरनिये जहँ अत्युक्ति प्रमान ।

यथा ।

सर्वस दान दीन सब काहू ।  
जेहि पावा राखा नहि ताहू ॥

अथ निरुक्ति ।

सो निरुक्ति जहँ जुक्ति सो अर्थकल्पना आन ।

यथा ।

कनककलित अहिबेलि बनार्द्ध ।  
लखि नहि परै सपन सुहार्द्ध ॥

इहां नागबेलि को अहिबेलि कह्यो जैसे  
हाटकलोचन ।

अथ प्रतिषेध लक्षण ।

सो प्रतिषेध निषिद्ध जो अर्थ निषेधो जाय ।

यथा ।

कालनेम सम मैं नहीं, सुनहु वचन हनुमान ।

अस कहि ।

अथ विधि लक्षण ।

अलङ्कार विधि सिद्ध को अर्थ साधिये फेर ।

यथा ।

विश्वभरन कर पोषन जोई ।

ताकर नाम भरत अस होई ॥

अथ हेतु लक्षण ।

हेतु अलंकृत दोष जहँ कारन कारज सङ्ग ।

कारन कारज ये सबै वस्तु एकाहीं रङ्ग ॥

प्रथम ।

रघुकुलकामल सुजनसुखदाता ।

आये कुसल देव मुनित्राता ॥

द्वितीय ।

“जहँ लगि जगत सनेह सगाई” ।

ते “भोरे सबै एक तुम स्वामी” लीं ॥

इति अर्थालङ्कार ।

अथ शब्दाश्रयणज्ञान — तहां प्रथम रीति लक्षण ।

चमत्कारचन्द्रिका में — दोहा ।

गौड़ी वैदर्भी कहत पुनि पञ्चाली जान ।

जाती ओज प्रसाद पुनि साधुर्जहि की खान ॥

यह चारहूँ रीत में ओज प्रसाद साधुर्य्य ये  
तीन गुन उपजत हैं । जैसे भरत के मत में ध्वनि  
काव्य आत्मा तैसे वासन के मत में रीत आत्मा ।

अथ गौड़ी लक्षण ।

यदि संजोगी वर्ण जहँ होहि सु बड़ी समास ।

छन्दबन्ध रचना करै तहँ गौड़ी को वास ॥

याको परुषावृत्ति कहत हैं सो गौड़ी में  
मिलत है ।

अथ समास लक्षण ।

जो सो को करि लिये ते को मे ओ नहीं होय ।

यहै सु जाके अर्थ में लहि समास है सोय ॥

जो सो को करि इत्यादि पद में शब्दसमूह  
में नाहीं रहै है अर्थ कहत में जानी जाय है ।

जो सो यथा ।

पीत भीन भङ्गुली तन सोहहि ।

पीत जो भिगुली सो तन में सोहै ।

को यथा ।

राम गये बन प्रान न जाहीं ।

इहाँ राम बन को गये ।

करि यथा ।

“लोग प्रेमवस ।” इहाँ प्रेम कर वस जानी ।

के यथा ।

“रामहेतु ।” इहाँ राम के हेतु ।

ते यथा ।

“रामसुमुख निकसे बचन ।”

इहाँ रामसुख ते निकसे बचन जानिये ।

इत्यादि ।

अथ गौडी ओज गुन यथा ।

कटकटाइ कोटिन भट गर्जहिँ ।

वैदर्भी लक्षण ।

कस समास कि समास नहि अक्षर सानुस्वार ।

नहि टवर्ग माधुर्ज गुन वैदर्भी उच्चार ॥

यथा ।

कङ्कन किङ्किनि नूपुर वाजहिं ।

अथ पञ्चाली लक्षण ।

गौड़ी वैदर्भी मिलि पञ्चाली है रीति ।

उपजत तहाँ प्रसाद गुन सुकवि लखें करि प्रीति॥

यथा ।

सतानन्दपद वन्दि प्रभु हर्षे आसिष पाय ।

चलहु तात सुनि कहा तव पठवा जनक बुलाय ॥

इहाँ नन्द वन्दि वैदर्भी असु हर्षे पठवा गौड़ी  
याते पञ्चाली ।

अथ लाटी ।

कोमल पद जहँ रहत है उपजत गुन परसाद ।

यथा ।

खञ्जन मञ्जुल तिरछे नयना ' ।

निज पति कछो तिनहि सिध सयना ।

लाटी में कोमलावृत्ति अन्तर्भूत है । कोई  
रीति को सद्बालङ्कार अन्तर्भूत मानत है रीति  
को "वृत्ति कहत हैं ।"

अथ अनुप्रास लक्षण ।

स्वर बिनु समता वर्न की अनुप्रास है सोय ।

स्वर की समता होय वा न होय यह आग्रह  
नहीं बरनन की समता चाही ।

अथ छंकाऽनुप्रास लक्षण ।

जहाँ सवर्न अनेक की डूकबेर समता होय ।

ताकी छंका कहत हैं ।

यथा ।

अश्लो जअस्व कअस्व उमग सुअङ्ग पुलका वलि छई ।  
डूहाँ एक वर्न अकार वकार की एकवार समता है ॥

अथ वृत्ति अनुप्रास लक्षण ।

वृत्ति एक बहु बरन की बहु विर समता मान ।

यथा ।

चहत पुरानन से जि सो आनन देखो रूप ।

कही सुजानन जगत में एक ईश्वरी भूप ॥

डूहाँ एक नकार बहु बार आयो ।

अब लाटा लक्षण ।

अर्थ सहित जहँ पद फिरै भाव भेद तहँ होय ।

सो लाटानुप्रास है भाषत कवि सब कोय ॥

यथा ।

सान प्रसिद्ध कृपान प्रसिद्ध सुआन प्रसिद्ध प्रसिद्ध परायन ।  
 मान प्रसिद्ध जु दान प्रसिद्ध प्रसिद्ध सदा सरदार उपायन ॥  
 सील प्रसिद्ध सु डील प्रसिद्ध सु सत्य प्रसिद्ध प्रसिद्ध सुभायन ।  
 ज्ञान प्रसिद्ध प्रवान प्रसिद्ध जु धाम प्रसिद्ध प्रसिद्ध नरायन ॥

अथ जमक लक्षण ।

जमक शब्द ओही रहै अर्थ जुटा है जाय ।

यथा ।

सुजस सरस द्विजराज ते कियो पाल द्विजराज ।  
 भूप ईश्वरीसिंह नित दाटत सिंह समाज ॥  
 उदाहरन भूषनन के लिखे मिले जे आन ।  
 जो न मिले ते धरि दये तुलसी भूषन जान ॥  
 पद पखार जल पान करि आप सहित परिवार ।  
 तन त्याग्यो रघुवर विरह राउ गयो सुरधाम ॥  
 रामराम कहि राम कहि राभराम कहि राम ।  
 तन त्याग्यो रघुवर विरह राउ गये सुरधाम ॥

अथ पिङ्गल गीति ।

प्रथम गन नाम ।

मगन नगन भनि भगन अरु यगन सदा सुभ जान ।  
 जगनरगनसुनुसगनपुनि तगनजुअसुभवखान ॥



लक्षण ।

मगन तीन गुरु जानिये नगन तीन लघु होय ।  
 भगन आदिगुरु आदिलघु यगन कहैं सब कोय ॥  
 जगन मध्य गुरु जानिये रगन मध्य लघु होय ।  
 सगन अन्तगुरु अन्तलघु तगन कहैं सब कोय ॥

अथ गन देवता ।

मही देवता मगन को नाभ नगन को लेखि ।  
 जलजो जानो यगन को चन्द्र भगन को देखि ॥  
 सूरज जानो जगन को रगन अग्नि महँ मानि ।  
 काल समुझिये सगन को तगन अकास बखान ॥

अथ गन फल ।

भूमि सुख, नाग आनन्द, मङ्गल चन्द्र, जलजा  
 बुद्धिबुद्ध, सूरज सुख सोखै, अग्नि अङ्ग दाहै,  
 काल देस उदास, अकास सुन्न ।

अथ गन जाति ।

मगन नगन ये मित्र हैं भगन यगन ये दास ।  
 उदासीन ज त जानिये र स रिपु किसीदास ॥

अथ मात्रा प्रस्तारं ।

देहु प्रथम गुरु कै तरे लघु पुनि सम करि पाँति ।  
उबरे गुरु लघु दौजिये सब लघु लों या भाँति ॥

मात्रा नष्ट ।

पूरव क्रम ते अङ्क दै लिखि सब कला बनाय ।  
सेष अङ्क में प्रगट पुनि पूछो अङ्क सिटाय ॥  
उबरे अङ्क जु पुनि तहाँ ताँ नीचे की मत्त ।  
पर मत्तालय होय गुरु नष्ट कहै अनुरत्त ॥

नष्ट उद्दिष्ट ।

अन्त अङ्क में गुरु सिर के अङ्क घटाइये जैसे  
एकईस में तीन + आठ = ग्यारह गये दस रहे यह  
दसवां भेद ।

अथ मात्रा मेव ।

द्वै द्वै कोठा सम लिखहु एक अङ्क ता अन्त ।  
आदि एक इक बीच दै गनती करहु अनन्त ॥  
सीस अंक ता सीस के पर जुग अंक मिलाय ।  
सूना कोठा पूरिये मत्त मेरु हो जाय ॥

अथ मात्रा पताका लक्षण ।

जै लकीर पताका ल्यावै खरडमेंरु ताको अलगावै ।  
ताहीसंख्याकोठाकरियेनामपताकापाँतीधरिये ॥

पुरुब जु अलसर अंक भिन्न लिखि देखिये ।

अन्त अंक दूका अंक कोठ तेहि रेखिये ॥

तामे क्रम ते दूका दूका अङ्क घटाइये ।

बा ढिग अध ते द्वितिय पंगति लिखि जाइये ॥

द्वितिय पंगति में द्वे द्वे जोरि कमी करे ।

चौथि पंगति में तीन तीन चित में धरे ॥

दून भाँतन प्रति पंगत दूका बढ़ अङ्क जू ।

घटै पताका रूप लिखौ निरसंक जू ॥

मात्रा मर्कटी लक्षण — दोहा ।

क्रम उद्दिष्ट गुन तीसरी पादहीन भरचार ।

वह पद पञ्चम हान चौछठही भर निरधार ॥

अथ वरन प्रस्तार वरवा ।

गुर पहिले तर लघु धर सम करि पाँत ।

गुर ते पूरन लघु लीं लिखि या भाँत ॥

अथ वर्णनष्ट - दोहा ।

नष्ट वरन में भाग करि सस भागनि लघु आन ।  
विषम एक दै भाग करि पुनि तासै गुरु ठान ॥  
वार्ता ।

सस बूझै तौ लघु दीजै विषम तौ गुरु दूच्छा  
परजन्त गुरु ते पूरन कीजै ।

नष्टरूप अथ वरन दृष्टि—दोहा ।

लिखि पूछे पर अंक ते दून दून लिखि देइ ।  
लघु सिर अङ्कनि जोरि के एक मिला कहि देइ ॥  
अथ वर्णन मेरु रूपै ।

प्रथम जुगल पुनि तीन चार दूसि कोठा कीजै ।  
आदि अंत दुहुँ ओर एक दूक अंक धरीजै ॥  
सिखर अंक जुग जोरि बहुरि तर कोठा ठहिए ।  
पंगत पंगत जोरि तासु ते भेद सु कहिए ॥  
तरअंतसकललहतासु उपविय एक गुरतीजि द्विगुरु ।  
जहँ अंक जोनतहँ ते तिक गुर वरन सै लरचना सुकुरु ॥

रूप वरन मेरु का—पताका लक्षण ।

वरन पताका पहिलही दै उदिष्टं क्रम अंक ।  
पर अंकन भरिये बहुरि लै पूरव के अंक ॥

पहिलेही जो पाद्वयै तजियै ताही अंक ।

करि गनती प्रस्तार की जानि लेहु निरसंक ॥

अथ वर्न मर्कटी ।

षट् कोठा करि आदि क्रम सुगुन दूसरी पाँति ।

आदिहि सा गुन दूसरी लिखिये चौथी पाँति ॥

चौथी की आधी पँगति पचईं छठईं होय ।

पचईं चौथी को मिला पाँति तीसरी जोय ॥

वर्न मर्कटी रूप—अथ छन्द ।

श्रीछन्द आदि सब छन्द लिखे ग्रन्थ विस्तार  
हेत अरु रासायन में प्रयोजन नाहीं । यार्ते  
दोहा सारठा चौपाईं गीतका को लक्षण लिखि-  
यतु है ॥

दोहा ।

तेरह ते ग्यारा जहां पुनि सा रीत निबाहि ।

साईं पिंगल के मते दोहा छन्द कहाहि ॥

अरु दोहा उलटे सारठा हेत है ।

चौपाईं लक्षण ।

सारह मत्ता छन्द गति रूप चौपाईं लिखि ।

पन्द्रह सै सत्तानवे जाना भेद बिसेषि ॥

गोतिका लक्षण ।

अष्टादश में गीतिका आदिक कछी फनीस ।  
पाँच लाख चौदह सहस्र वैसे पर उनतीस ॥

दोहा ।

फल अकाश ग्रह आतमा माघ शुक्ल बुधवार ।  
काशीपति की कृपा तें किय पूरन विस्तार ॥

छप्पै ।

श्रीकाशी के नाथवीर बलबण्ड उजागर ।  
ताकी वाट महीप भए सुखमा गुनसागर ॥  
तासु पुत्र उद्वितमहीप पुनि दीपनरायन ।  
है प्रसिद्ध सब जगत एक ते एक सुभायन ॥  
सरदार तासुसुतर्द्धश्वरी भूपतिमनि जसचंदसा ।  
विलसतविचित्रकाशीपुरी अङ्गुतअनंदकन्दसा ॥

सोरठा ।

मानस कियो रहस्य, कृपा कोर तिनकी तकत ।  
सुमिरन राम अवस्य, काव्य कला के मिस भयो ॥

दोहा ।

सुख विलास सज्जन करैं दुरजन जरैं हमेस ।  
यह विचार सरदार कबि कीन्हों कछू कलेस ॥

इति श्रीमहाराजाधिराजकाशीराज श्रीमदी-  
श्वरीप्रसादनारायणस्याभिगासीकृष्णप्रियापुरवा-  
सीहरिजमकवीश्वरात्मजेन सरदाराख्यकवीश्वरे-  
णविरचिते मानसरहस्ये साहित्यसंपूर्णम् ।

दोहा ।

उनइस सौ एकइस बुधै द्वादसि सित वैसाख ।  
छपी नकल में लिखि चुक्यो महादेव हरि भाष ॥

॥ इति ॥

---

